

外科卷二

沈日香

薛東垣先生云瘡瘍熱毒深固嘔哕心逆發熱筋脈沉而實
腫硬木悶大便秘結此毒在臟宜疎通之故曰疎通其因以絕
其源又曰瘡瘍及諸病面赤雖伏火熱不得妄攻其裏而陽氣
拂鬱邪氣在經宜發表以去之故曰火鬱則發之凡大便不通
飲食雖多肚腹不脹切不可通若腹痞脹而不通者乃真腸乾
涸也宜用豬膽汁導之若腸胃氣虛血涸而不通者宜用十全
太補湯培養之若瘡症屬陽或因入房傷腎而不通者宜用前
湯加薑附回陽多有得生者經云腎開竅於二陰藏精於腎津
液潤則大便如常若潰瘍有此因氣血虧損腸胃乾涸當大補
爲善設若不審虛實而一於疎利者鮮有不誤 一人仲夏患
發背黯腫尺餘皆有小頭如鋪黍狀四日矣此真氣虛而邪氣

實遂隔蒜炙服活命飲二劑其邪頓退乃純補其真又將生豚散以代茶飲瘡邪大退余因他往三日復視之飲食不入中央死肉大便秘結小便赤濁余曰中央肉死毒氣盛而脾氣虛也大便秘不通腸虛而不能傳送小便赤濁脾虛而火下陷治亦難矣彼始云莫非間斷補藥之過予曰然乃急用六君子加當歸柴胡升麻飲食漸進大便自通外用烏金膏塗中央三寸許四圍紅腫漸消中央黑腐漸去乃敷當歸膏用地黃丸與前藥間服將百劑而愈一男子腿患癰因服尅伐虧損元氣不能成膿余爲枉裏而潰大補而斂但大便結燥用十全大補湯加麥門五味而潤月餘仍結惑於人言乃服潤腸丸而瀉不止余用補中益氣湯送四神丸數服而止

潤腸丸 治脾胃伏火大腸乾燥或風熱血結宜用此丸通之
若結在直腸宜豬膽汁導之蓋腎主五液開竅於二陰若津
液滋潤大便通調若津液不足脾氣虧損必當培補猶忌前
藥

麻子仁

桃仁

去皮尖
各壹兩

羌活

當歸尾

大黃 煨

皂角刺

秦艽

各伍
錢

右各另研爲末煉蜜或豬膽汁丸桐子大每服叁肆拾丸白
湯若使豬膽汁導之而不結燥急補元氣

○大便瀉利

薛瘡瘍大便泄瀉或因寒涼尅伐脾氣虧損或因脾氣虛弱食
不尅伐或因脾虛下陷不能升舉或因命門火衰不能生土或

因腎經虛弱不能禁止或因脾腎虛寒不能司職所主之法若
寒涼傷脾用六君加木香砂仁送二神丸脾虛下陷用補中益
氣送二神丸命門火衰用八味丸料送四神丸腎虛不禁用薑
附湯加吳茱萸五味脾腎虛寒用參附湯送四神丸病機云脉
沉而細身不動作睛不瞭瞭飲食不下鼻準氣息者薑附湯主
之身重四肢不舉者參附湯主之仲景先生云下痢腸鳴當溫
之脉遲緊痛未止當溫之大孔痛當溫之心痛當救裏可與理
中附子四逆輩精要云癰疽嘔瀉腎脉虛者不治此發內經之
微者也凡此實難治之症如按前法治之多有可生者 一婦
年踰四十背疽不起發泄瀉作嘔食少厥逆脉息如無屬陽氣
虛寒用大補劑加附子薑桂不應再加附子二劑瀉愈甚更以

大附子薑桂各叁錢參芪歸朮各伍錢作一劑腹內始熱嘔瀉
乃止手足漸溫脈息隨復更用大補而潰再用托裏而斂十年
後仍患脾胃虛寒而歿

加減托裏消毒散 治飲食少思腸鳴腹痛腹冷泄瀉乃脾氣

虛寒也去芷翹銀花加炮薑木香手足逆冷脾血虛寒也更

加附子煎送四神丸

和氣散 治癰疽潰後氣虛滑泄四肢逆冷

蒼朮

肆兩米泔浸三日洗淨晒乾再以米醋炒令香黃色

甘草 炙

青皮

去穰各壹兩

良薑

炒

肉桂

乾薑

炮各半兩

陳粟

升半

右七味為末每服壹錢用炒茴香末半錢相和溫酒調下不

拘時

按此但有燥溫耳無補氣藥非氣虛者所宜

四神丸 治脾腎虛弱大便不實飲食少思或小腹作痛或產後泄瀉肚腹作痛不思飲食

肉豆蔻

五味子

各貳兩

補骨脂

肆兩

吳茱萸

湯浸炒壹兩

右為末別以水貳碗生薑搗兩煮紅棗壹百個熟爛去皮核用和末為丸桐子大每服伍柒拾丸空心食前白湯下

二神丸 治脾腎虛寒不思飲食或清晨五更泄瀉或飲食少思大便不實其功甚効如不應乃命門火衰急服八味丸補火而生土

破故紙

肆兩

肉豆蔻

貳兩生用

右為末用大紅棗肆拾枚生薑肆兩水煮熟去薑取棗肉和

樂丸如桐子大每服伍拾丸空心鹽湯送下

○小便淋瀝頻數

薛瘡瘍小便淋漓頻數或莖中瀉者腎經虧損之惡症也宜用加減八味丸以補陰足脛逆冷者宜用八味丸以補陽若小便頻而黃者宜用四物湯加參朮麥門五味以滋肺腎若小便短而少者宜用補中益氣加山藥麥門五味以補脾肺若熱結膀胱而不利者宜用五淋散以清熱若脾氣燥而不能化者宜用黃芩清肺飲以滋陰若膀胱陰虛陽無以生者宜用六味丸若膀胱陽虛陰無以化者宜用滋腎丸腎虛之患多傳此症非滋化源不救若用黃蘗知母反瀉其陽以速其危若老人陰痿思色精內敗莖中痛而不利者用加減八味丸加車前牛膝不應更加附子多有復生者若精已竭而復耗之大小便中牽痛愈

痛則愈便愈便則愈牽痛以前藥加附子亦有復生者王太僕云無陰則陽無以化無陽則陰無以生當滋其化源苟專用淡滲復損真陰乃速其危也 職方王葯塘背疽潰後小便淋漓

或時自遺作渴引飲煩熱不寐瘡口焮赤時或如灼時或便遺余曰此腎虛之惡症用加減八味丸加麥門數劑而痊 駕部

林汝玉冬不衣綿作渴飲冷每自喜壯寶晒余衣綿診其脉數大無力余曰至火當令求余也三月間果背熱便闕脉澀用四物加芩連山梔數劑大便稍和却去芩連加參朮茯苓二十餘劑及前丸半斤許渴減六七背熱亦退至夏背發一疽純用托裏之劑而斂

托裏消毒散加減法

莖中痛而小便不利精內敗也去連翹

白芷金銀花三味加山茱萸山藥澤瀉如不應佐以六味丸
愈便則愈痛愈痛則愈便精復竭也去三味煎送六味丸
食少體倦口乾飲熱小便黃短脾肺虛熱也去三味加五
味子山茱萸如不應暫用六味丸 勞役而小便黃元氣下
陷也去三味加升麻柴胡 午後小便黃短腎虛熱也去三
味加升麻柴胡煎送六味丸

黃芩清肺飲 治肺經陰虛火燥而小便不通若因脾經有熱
當清其脾若因心火尅肺當制其心

黃芩

壹錢

梔子

叁枚打碎

右水煎服

滋腎丸

治腎經陰虛發熱作渴便赤足熱腿軟等證凡不渴

而小便秘熱在下焦血分也最宜此藥經云無陰則陽無以

化若脾肺燥熱所遺當滋其化源

知母

黃檗酒炒各壹兩

肉桂貳錢

右為末水丸如梧桐子大每服百丸空心白滾湯下

五苓散 治下部濕熱瘡每小便赤少

澤瀉貳兩伍錢

豬苓去皮壹兩半

肉桂柒錢半

白朮

赤茯苓各壹兩伍錢

右為細末每服壹貳錢熱湯調下

清心蓮子飲 治膀胱氣虛濕熱玉莖腫痛或莖竅瀆滯口苦

咽乾小便色赤或白濁夜安靜而晝發熱

黃芩

麥門冬

地骨皮

車前子

炙甘草各壹錢半

石蓮肉

白茯苓

黃芪

柴胡

人參各壹錢

石水煎服

五淋散 治膀胱有熱水道不通或尿如豆汁或如沙石或如

膏汁或熱沸便血

赤茯苓 壹錢

赤芍藥

山梔 各貳錢

當歸

甘草 各壹錢 伍分

右用燈心貳拾根水煎服

清肺飲 治渴而小便不利乃肺經有熱是絕寒水生化之源

宜用此藥以清化源其水自生而便自利矣

茯苓 貳錢

豬苓 叁錢

澤瀉

琥珀

藷麥 各伍分

通草 陸分

木通

篇蓄 各柒分

車前子 壹錢

燈草 壹分

右為細末每服伍錢水煎服

腎氣丸 治腎經陽虛陰無所化以致膀胱淋漓或脾肺氣虛

不能通調水無所化而膀胱癰閉或腎氣虛熱干於厥陰之

絡陰挺痿痺而溺頻數或腎水虛弱陰虧難降使津液敗濁而爲痰水又治腎虛便血及諸見血發熱自汗盜汗等症之聖藥也卽六味地黄丸

琥珀散 治諸般瘡癩表裏有熱小便赤澀

白茯苓

黃芩

茵陳

紫草

瞿麥

茅根

石韋

烏藥

琥珀

連翹

車前子

各等分

右爲極細末每服貳叁錢用燈心湯調下不拘時候

瞿麥散 治癰疽發背排膿止痛利小便

桂心

赤芍藥

當歸

黃芪

芍藥

瞿麥

白歛

麥門冬去心各

赤小豆 壹合酒浸炒乾

右炒咀每服肆錢酒煎溫服如諸癰已潰未潰瘡中膿血不絕痛難忍者加細辛白芷白斂薏苡仁

○頭痛眩暈

托裏消毒散加減法 初腫頭痛發熱邪在表也加川芎羌活

若外邪在表而元氣實者暫用人參敗毒散 頭痛惡寒表

虛也去金銀花連翹加參芪 體倦頭痛或眩暈中氣虛也

去三味加柴胡升麻如不應暫用補中益氣湯加蔓荊子

日晡頭痛或眩暈陰血虛也去三味加熟地黃如不應佐以

六味丸 夢泄遺精頭暈頭痛或痰喘氣促腎虛不能納氣

也去三味併川芎佐以六味丸如不應大虛寒也用八味丸

雜症直錄卷之八 頭痛頭暈

○煩躁

托裏消毒散加減法 面目赤色煩熱作渴脉大而虛血脫發躁也去三味加黃芪當歸如不應暫用當歸補血湯 身熱惡衣欲投於水脉沉微細氣脫發躁也去三味加肉桂附子如不應暫用附子理中湯

○自汗盜汗

托裏消毒散加減法 善思體痛無寐盜汗脾血虛也去三味加茯苓遠志酸棗仁圓眼肉如不應暫用歸脾湯 寢寐而汗出腎氣虛也去三味加五味子煎送六味丸 飲食而汗出胃氣虛也去三味加參芪歸朮五味子如不應暫用六君子湯 睡覺飽而出盜汗宿食也去三味加參朮半夏如不

應暫用六君子湯

○多痰

托裏消毒散加減法 胸滿多痰脾氣虛也去三味加桔梗半

夏如不應暫用六君子湯加桔梗枳殼 晡熱多痰脾血虛

也去三味加歸地參朮如不應暫用六君子湯加芎歸熟地

咳嗽唾痰腎虧津液泛上也去三味加山茱萸山藥熟地

如不應佐以六味丸

○喘急

癰疽喘急恍惚嗜卧此心火刑肺金宜用人參平肺散

人參平肺散

桑白皮 炒

知母 染分

杏仁 去皮 尖炒

地骨皮

紫蘇

橘紅

半夏

薑製

茯苓

青皮

人參

各壹錢

五味子

貳拾粒
炒杵

甘草

炙伍分

作一劑水二鍾薑叁片煎捌分食遠服

薛按此方理氣清肺化痰之劑若肺脉洪數無力者宜用若兼發熱作渴脉洪數有力者宜用如金解毒散此證火尅金為惡候面赤者亦不治

○胸痞

托裏消毒散加減法 忿怒胸痞肝氣滯也去三味加桔梗山

梔如不應暫用補中益氣湯加桔梗枳殼 倦怠胸痞中氣

虛也去三味加參朮茯苓如不應暫用八珍湯加柴胡

○目斜視上

癰疔目斜視上黑睛緊小白睛青赤肝挾火邪宜用瀉青丸
瀉青丸方

當歸酒拌

川芎

山梔仁炒

羌活

草龍膽酒拌

防風

大黃酒拌炒
各等分

右為細末煉蜜丸雞頭實大每服壹丸煎淡竹葉湯化下口
進二三服如瀉去大黃加荆芥或用黃連瀉心湯一二劑亦
可

薛按前症七惡中之三惡也若肝脉弦緊洪數者最當亦有
目視不正睛不瞭瞭脉微或浮者乃真氣虛也宜用大補之
劑夫瀉青者瀉肝經之火邪也肝屬木其色青故耳

○四肢沉重

胃苓湯

蒼木

米泔浸炒貳錢

厚朴

薑製壹錢

陳皮

甘草

炙

白木

炒各壹錢

茯苓

壹錢柒分

澤瀉

木香

白芍藥

炒各壹錢

官桂

伍分

淡竹葉

貳拾片

作一劑水貳鍾薑叁片棗貳枚煎八分食前服

按前證七惡中之五惡也服而若脾氣醒濕氣除宜用參苓

白朮散之類多服恐導損津液

參苓白朮散

人參

茯苓

白朮

炒

蓮肉

去心

縮砂仁

炒

薏苡仁

炒

山藥

各貳兩

桔梗

炒

甘草

炙

白扁豆

去各壹兩

皮薑汁浸

右爲細末每服貳錢用石菖蒲煎湯調下

○寒熱往來

托裏消毒散加減法 口苦寒熱往來肝火血虛也去三味加

柴胡熟地 因怒寒熱往來肝火氣虛也加柴胡黃芩如不

應暫用八珍湯加炒山梔炒酸棗仁酒炒黑龍膽草 體倦

寒熱往來肝脾氣滯也去三味加參芪歸朮如不應暫用補

中益氣湯 內熱晡熱或寒熱往來陰血虛也去三味加芎

歸牡丹皮柴胡如不應暫用八珍湯加牡丹皮 畏寒或寒

熱往來胃氣虛也去三味加參苓白朮升麻如不應暫用補

中益氣湯 脇痛痞滿或寒熱往來肝氣滯也去三味加青

皮木香如不應屬氣血虛也更加芎歸參朮 若婦人勞役

恚怒或適經行發熱譫語或夜間熱甚乃熱入血室也去三
味加生地丹皮柴胡如不應暫用加味四物湯

○厥逆

加戒托裏消毒散 治四肢逆冷乃腎氣虛寒也去三味加桂

附仍佐以八味丸

○面目浮腫

癰疽聲嘶色敗唇鼻青赤面目浮腫宜調胃白朮散

調胃白朮散方

白朮 炒

茯苓

各貳錢

陳皮

白芍藥

炒

檳榔

澤瀉

各壹錢

木香

五分

作一劑水二鍾薑叁片煎捌分食後服如腫不退加白朮 炒

枳實蘇炒各壹錢

薛按前症乃七惡也用此方若濕除氣少退用六君子湯參苓白朮散之類大便不實尤効再用檳榔木香恐傷真氣也亦有真氣虛而致前症者尤効不宜用二藥

○陽氣脫陷

薛瘡瘍陽氣脫陷或因尅伐之劑或因膿血太泄或因吐瀉之後或因誤而入房若發熱頭痛小便淋瀝或滑數便血目赤煩喘自汗發熱氣短頭暈體倦熱渴意欲飲水投水惡寒憎寒身熱惡衣揚手擲足汗出如水腰背反張鄭聲不絕此無根虛火之假熱症若畏寒頭痛咳逆嘔吐耳聾目矇小便遺難瀉利腸鳴裏急腹痛玉莖短縮冷汗時出齒牙浮動肢體麻痺或厥冷

身痛或咬舌嚙唇舌根強硬此陽氣脫陷之真寒證皆勿論其
脉勿論其瘡但見一二急用參附湯補之多有復生者大凡潰
後勞役元虧損或夢遺精脫或滑數便血或外邪乘之 或誤
用寒涼氣血脫陷而致斯症治以前藥亦有復生者 內翰楊
皐湖孟夏患背疽服尅伐之劑二旬餘矣漫腫堅硬重如負石
隔蒜灸五十餘壯背遂輕以六君加砂仁二劑涎沫涌出飲食
愈少此脾虛陽氣脫陷劑用溫補反嘔不食仍用前藥作大劑
加附子薑桂又不應遂以參芪各壹斤歸朮陳皮各半斤附子
壹兩煎服三日而盡流涎頓止腐肉頓潰飲食頓進再用薑桂
等藥托裏健脾腐脫而瘡愈矣 少叅史南湖之內夏患疽不
起發脉大而無力發熱作渴自汗盜汗用參芪大補之劑益加

手足逆冷大便不寬喘促時嘔脉微細按之如無惟太衝不絕
仍以參芪白朮當歸茯苓陳皮計斤許加附子伍錢水煎貳鍾
作一服諸證頓退脉息頓復翌日瘡起而潰仍用前藥四劑後
日用托裏藥調理兩月餘而消 一婦臥床十三年矣遭回祿
益加憂鬱明年三月右肩下發一塊焮腫如瓶中赤外白先用
涼藥一劑不解次用十宣散四劑加痛畧紅迎醫視之連投參
芪丁桂防芷之劑膿潰云無恙矣辭去眩暈嘔逆惡寒戰慄頂
陷膿清偶檢外科發揮發背門云若初起一頭如黍不腫不赤
煩躁便秘四五日間生頭不計其數瘡口各如含一粟名曰蓮
房發云云始駭爲惡症治法雖詳不諳於行迎薛至診云辛涼
解散氣血兩虛者忌之連投參芪歸朮地黃薑附大劑腫高膿

稠兼維烏金膏數日果腐落筋如脂膜者數片人參每服至捌錢日進二服逾兩月平復

附子理中湯 治瘡瘍脾胃虛寒或誤行攻伐手足厥冷飲食不入或腸鳴腹痛嘔逆吐瀉

附子

人參

茯苓

白芍藥

各叁錢

白朮

肆錢

右水煎服

薑附湯 治瘡瘍真陽虧損或誤行汗下或膿血出多失於補

托以致上氣喘急自汗盜汗氣短頭暈

人參

附子

炮去皮臍各壹兩

乾薑

炮

白朮

各伍錢

右作二劑水煎服

參附湯 治失血過多或膿腐大泄或寒涼汗下真陽脫陷上

氣喘急自汗盜汗氣短頭暈等症急服以救元氣緩則不治

人參壹兩

附子炮去皮 臍伍錢

右薑五片水煎服不應倍之

內癰

素問曰肝滿腎滿肺滿皆實即為腫

王注云滿謂脉氣 滿實腫謂癰腫

肺之癰

喘而兩胛滿

仲景云肺癰吐膿 如米粥咽燥振寒

肝癰兩胛滿臥則驚不得小便

腎癰脚下至小腹滿

大奇論林億云脚下當作脚下○千金云腸癰之為病小腹腫強按則痛便數

似淋仲景云腸癰小腹痞堅蓋小腹痛而痞堅者腎 癰也小便數而似淋者腸癰也即肺癰肝癰之屬

胃脘癰人逆脉逆而盛

全文見後 胃脘癰條

辨藏府內瘡

中府隱隱痛者肺疽

其上肉微起者肺癰

巨闕隱隱痛者心疽

其上肉微起者心癰

期門隱隱痛者肝疽

其上肉微起者肝癰

章門隱隱痛者脾疽

其上肉微起者脾癰

京門隱隱痛者腎疽

其上肉微起者腎癰

中腕隱隱痛者胃疽

其上肉微起者胃癰

天樞隱隱痛大腸疽

其上肉微起大腸癰

丹田隱隱痛三焦疽

其上肉微起三焦癰

關元隱隱痛小腸疽

其上肉微起小腸癰

懷忠丹 治內癰有敗膿敗血腥穢殊甚所致臍腹冷痛用此

推膿下血

白芷

單葉紅蜀葵花根

各壹兩

白礬 枯

白芍藥

各伍錢

右研爲末鎔黃蠟丸如梧子大空心米湯下叁拾丸推膿下
血出盡後服十宣散補之忌發物

又方豬膏煎鯽魚食治腸癰
又方以鼈甲燒存性末服之

肺癰丹溪云癰疽發於內者肺癰肝癰腎癰腸癰囊內癰附骨

癰惟肺癰須先解表今表而出之

千金欬唾膿血其脉數實者爲肺癰若口中欬卽胃中隱痛脉

反滑數此肺癰也 問曰病者欬逆何以知其肺癰當有膿血

吐之則死其脉何如曰寸脉微而數微爲風數爲熱微則汗出

數則惡寒風中於衛呼氣不入熱逼於榮吸氣不出風傷皮毛

熱傷血脉風舍於衛其人則欬口乾喘滿咽燥不渴多吐濁沫

時時振寒熱之所過血爲凝滯蓄結癰膿吐如米粥始萌可救

膿成則死 問曰振寒發熱寸脉滑數其人飲食起居如故此

爲癰腫醫反不知以傷寒治之不應何以知有膿膿之所在何以別知其處師曰假令膿在胸中者爲肺癰其脈數欬吐有膿血設膿未成其脈自數緊去但數爲膿已成也

薛夫肺者五

臟之華蓋也處於胸中主於氣候於皮毛勞傷氣血腠理不密外邪所乘內感於肺或入房過度腎水虧損虛火上炎或醇酒炙博辛辣厚味薰蒸於肺或咳唾痰涎汗下過度重亡津液之所致也其候惡風咳嗽鼻塞項強胸脇脹滿呼吸不利咽燥作渴甚則四肢微腫咳唾膿血若吐痰臭濁膿血腥穢胸中隱隱微痛右手寸口脈數而實者爲肺疽若唾涎沫而無膿脈數而虛者爲肺痿也若咳嗽喘急者小青龍湯咳嗽胸脹者葶藶大棗瀉肺湯咳膿腥濁者桔梗湯咳喘氣短或小便短少者佐以

參芪補肺湯體倦食少者佐以參朮補脾湯咳唾痰壅者腎虛
水泛也六味地黃丸口乾咽燥者虛火上炎也加減八味丸此
症皆因脾上虧損不能生肺金肺金不能生腎水故始萌則可
救膿成則多死若脉微緊而數者未有膿也緊甚而數者已有
膿也內經曰血熱則肉敗榮衛不行必將爲膿大凡肺瘡咳唾
膿血久久如粳米粥者難治若唾膿而不止者亦不可治也其
嘔膿而自止者自愈其脉短而澁者自痊面色當白而反赤者
此火之尅金皆不可治苟能補脾肺滋腎水庶有生者但恐專
攻其瘡脾胃益虛鮮有不誤者矣

丹溪治一少婦胸膈間潰一竅膿血與口中所咳相應而出以

參芪當歸加退熱排膿等藥而愈一云此因肺痿所致 項彥

章治一人病胸膈壅滿昏不知人項以杏仁薏苡之劑灌之立甦繼以升麻桔梗黃芪消其膿服之踰月瘳項所以知其病者以陽明脉浮滑陰脉不足也浮爲火而滑爲血聚始由風傷肺故結聚客於肺陰脉之不足則過於宣逐也諸氣本乎肺肺氣治則出入易苑陳除故行其肺氣而病自已 汪石山治一婦年近三十形色瘦白素時或咳嗽一兩聲月水或前或後夏月取涼遂咳甚不能伏枕者月餘嗽痰中或帶血或兼膿嗽急則吐食醫用芩連二陳不効復用參芪等補藥病重汪視左脉浮滑右脉稍弱而滑幼傷手腕掌不能伸右脉似難憑矣乃以左脉驗之恐妊兼肺癰也遂以清肺泄肺之劑進之三服而能著枕痰不吐膿不咯惟時或惡阻汪曰此妊之常病也教用薏苡

仁白朮茯苓麥冬黃芩阿膠煎服病減月餘復爲診脈皆稍緩而浮曰熱已減矣但吐紅太多未免傷胃教用四君子加陳皮黃芩枳殼煎服調理妊至六月食雞病作却雞而愈至九月病又復作聲啞令復童便獲安汪曰產後病除乃是佳兆病若復作非吾所知月足而產脾胃病作加泄竟不救薛立齋治一儒者患肺癰鼻流清涕咳唾膿血胸膈作脹此風邪外傷也先用消風散加亂髮灰二服而鼻利又用四君加芎歸及桔梗湯而愈後因勞役咳嗽吐膿小便滴瀝面色黃白此脾土不能生肺金不能生腎水也用補中益氣湯六味地黃丸而愈一儒者因素善飲咳膿頂強皮膚不澤此脾肺氣虛外邪所乘而成肺癰也先用桔梗湯後用人參補肺湯而痊一男子咳

唾痰膿胸腹膨脹兩寸與右關脉皆洪數此火不能生土而土不能生金也用桔梗湯爲主佐以補中益氣湯而愈一人不時咳嗽作渴自汗發熱便數自用清肺降火理氣滲利之劑服之反小便不通面目赤色唇烈痰壅脾肺腎三脉浮大按之而數此足三陰虧損不能相生當滋化源否則成癰矣不信仍用分利之藥後果患肺癰余用桔梗湯及六味丸而愈一男子面赤吐膿發熱作渴煩躁引飲脉洪數而無倫次先用加減八味丸加麥門大劑一服熱渴頓止卽熟睡良久覺而神爽索食再劑諸症頓減仍用前藥更以人參伍錢麥門貳錢伍分五味貳錢水煎代茶飲日一劑月餘而安此證面赤者當補肺腎面白者當補脾肺治者驗之

一婦素血虛發熱咳嗽或用痰火

之劑後吐膿血面赤脉數其勢甚危此膿成而血氣虛也余用
八珍湯以補元氣用桔梗湯以治肺症脉症漸愈 一婦感冒
風寒或用發表之劑反咳嗽喘急飲食少思胸膈不利大便不
通右寸關脉浮數欲用通利之劑余曰此因脾土虧損不能生
肺金若更利之復耗津液必患肺癰矣不信仍利之虛證悉至
後果吐膿予朝用益氣湯夕用桔梗湯各數劑吐膿漸止又朝
仍用前湯夕用十全大補湯各五十餘劑喜其善調理獲愈
一婦咳嗽吐痰胸膈作痛右寸關浮滑項下牽強此脾胃積熱
成痰非癰患也以二陳湯加山梔白朮桔梗治之而痊 一婦
素血虛內熱時咳甲辰孟冬兩尺浮洪余曰當防患肺症丙午
孟春果咳嗽左右寸脉洪數此心火刑剋肺金而成肺癰也膿

先解表
次取腹
終補裏

已成矣夏令可憂余肺壯水健脾之劑稍愈彼不慎調攝果歿

於仲夏

小青龍湯 治肺受風寒咳嗽喘急

半夏

湯泡七次
貳兩半

乾薑 炮

細辛

麻黃

去節

肉桂

芍藥

甘草

炙各
參兩

五味子

蜜拌炒
貳兩

右每服伍錢薑水煎服

葶藶大棗瀉肺湯 治肺癰喘不得卧

葶藶

炒黃研細
丸如彈大

大棗

拾貳
枚

水叁升入棗先煮取貳升去棗入葶藶又煮壹升頓服之又

曰治肺癰胸滿脹一身并面目浮腫鼻塞清涕出不知香臭

峻辛亥逆上氣喘鳴息塞用前方三日一劑可至三四劑須

先與小青龍湯一劑乃與之

桔梗湯 治欬而胸滿振寒脉數咽乾不渴時出濁唾腥臭久

久吐膿如粥者肺癰也

桔梗

甘草 壹兩炙各

用水叁升煮取壹升去滓分温再服則吐膿血也亦治喉痺

三因甘草倍之每肆錢名四聖散千金亦名桔梗湯用桔梗

叁兩甘草貳兩服後必吐膿血

葦莖湯 治肺癰又云一本治欬有微熱煩滿心胸甲錯

葦莖 叁升切

薏苡仁 半升

冬瓜仁 半升

桃仁 伍拾枚去皮

用水壹斗先煮葦葉得伍升去滓入諸仁煮取貳升分温五

服當吐如粥

千金云肺癰當吐膿血○葦莖即汀洲間蘆荻之粗種也

治吐膿血如肺癰狀口臭他方不應者宜消風散入男子髮灰

研細入和之清米飲下可除根只兩服亦治吐血消風散方
荆芥川芎

羌活人參茯苓僵蚕防風藿香蟬蛻
各貳錢厚朴陳皮各半兩為末是也

韋宙獨行方 治心胸甲錯為肺癰黃昏湯主之 用夜合皮

掌大壹片水叁升煮取貳升分再服夜合樹按本草
即息農樹也

右肺癰證治要略以小青龍湯先與一劑乃行氣取膿之藥

將以解表之風寒邪氣此治腫瘍之例也後以韋宙方終之

者將以補裏之陰氣此治潰瘍之例也已上六方皆
丹溪所集

如聖丸梅師 治風熱毒氣上攻咽喉痛痺腫塞妨悶及肺癰喘

嗽唾膿血胸滿振寒咽乾不渴時出濁沫氣臭腥穢久久咯

膿伏如米粥

取膿雜方

樟腦并

牛黃并

桔梗

甘草生用各壹錢

為細末煉蜜丸每兩作貳拾丸每用壹丸噙化

濟生桔梗湯

治肺癰心胸氣塞咳嗽膿血心神煩悶咽乾多

渴兩足腫滿小便赤黃大便多澁用桔梗貝母川歸瓜蒌仁

枳殼薏苡仁桑白皮防風已上各壹兩生甘草杏仁蒸百合

各半兩黃芪壹兩半右修事咬咀每服肆錢水壹碗半生薑

伍片煎至捌分去滓服若大便秘加大黃小便秘加木通

神景桔梗白散 治欬而胸滿振寒脉數咽乾不渴時出濁唾

腥臭久久吐膿如米粥者為肺癰

桔梗

貝母各參分

巴豆去皮炒研如脂壹分

右三味為散強人飲服半錢七羸者減之病在膈上者吐膿

血膈下者瀉出若下多不止飲冷水一碗則定

此亦要畧方丹溪不刪採

用之者必有微意存焉

肺癰醫壘元戎搜風湯吐之

牡丹散

木事

治肺癰吐膿血作臭胸乳間皆痛

牡丹皮

赤芍藥

地榆

苦梗

薏苡仁

川升麻

黃芩

生甘草

各壹錢半

右作一服水貳鍾煎至壹鍾食遠服

一方無黃芩加生薑

煎名升麻湯

如金解毒散

治肺癰

桔梗

壹錢

甘草

壹錢半

黃連

炒

黃芩

炒

黃檗

炒

山梔

炒各分

作一劑水貳鍾煎捌分作十餘次呷之勿急服

薛按此方乃降火解毒之劑也發熱煩渴脉洪大者用之俱
效若脉數咳痰腥臭或唾膿瘀宜用桔梗湯大抵肺癰之證
肺脉洪大或吐膿不止者難治膿自止脉短濇者自愈面赤
火尅金也不治

桔梗湯 治男婦欬而胸膈隱痛兩脚腫滿咽乾口燥煩悶多

渴時出濁唾腥臭名曰肺癰小便赤黃大便多澁

桔梗

貝母

當歸酒浸

瓜蒌仁

枳殼

麩炒

薏苡仁

微炒

桑白皮

防己

去粗皮

甘草節

各壹兩

百合

蒸

黃芪

各壹兩半

批五味子

甜葶藶

地骨皮

知母

杏仁

各半兩

右剉碎每服肆錢水壹盞半生薑叁片煎柒分不拘時温服
咳者加百藥煎熱加黃芩大便不利加煨大黃少許小便澀
甚加木通車前子煎煩躁加白茅根煎咳而疼甚加人參白
芷煎

四順湯 治肺癰吐膿五心煩熱壅悶咳嗽

貝母去心

紫苑去苗土

桔梗炒各壹兩

甘草炙剉半兩

右搗篩每服叁錢水壹盞煎五七沸去滓不拘時稍冷服如
咳嗽甚加去皮尖杏仁叁枚同煎小兒量減

治肺癰方

右用薏苡米爲末糯米飲調下或入粥內煮吃亦可一方用

水煎服當下膿血便愈

瀉白散 治肺癰

桑白皮

炒貳錢

地骨皮

甘草

炙

貝母

去心

紫苑

桔梗

炒

當歸

酒拌各壹錢

瓜蒌仁

壹錢半

作一劑水壹鍾薑叁片煎捌分食遠服

霍按此方乃瀉肺邪消毒之劑也若喘咳唾痰沫肺脉浮數者用之有效如脉大發熱作渴宜用解毒散解之而後用此劑其或唾膿之際宜排膿如唾膿後及脉將安宜補肺初起胸膈脹滿喘急咳嗽宜發散表邪

濟生排膿湯

治肺癰得吐膿後以此排膿補肺

生綿黃芪貳兩細末每貳錢水壹盃煎伍分服

肺癰收斂日瘡止有合權樹皮白斂煎湯飲之

排膿散 治肺癰吐膿後宜服此補肺

黃芪 搗水拌炒

白芷

五味子 炒

人參 各等分

右為細末每服參錢食後蜜湯調下

寧肺湯 治咳嗽唾膿自汗上氣喘急用此補肺及治榮衛俱

虛發熱自汗

人參

當歸 酒拌

白朮

熟地黃

川芎

白芍藥

甘草 炙

五味子 搗

麥門冬 去心

桑白皮 炙

阿膠 蛤粉炒各壹錢

白茯苓 壹錢

作一劑水貳鍾薑叁片煎捌分食後服

人參補肺湯 治肺症咳喘短氣或腎水不足虛火上炎痰涎

勇或或吐膿血發熱乍渴小便短澀

人參

黃芪

白朮

茯苓

陳皮

當歸

山茱萸

山藥

麥門冬

甘草

五味子

熟地黃

牡丹皮

右薑棗水煎服

人參平肺散

治心火尅肺傳為疽痿咳嗽喘嘔痰涎壅盛胸

膈痞滿咽隘不利若因肝木太過而致當補肺若因腎水不

足而患當補脾肺若因心火旺而自病當利小便

人參

陳皮

甘草

地骨皮

茯苓

知母

五味子

青皮

天門冬

桑白皮

右水煎服

參芪補脾湯

治肺疽脾氣虧損久咳吐膿涎或中滿不食必

十一

內

肺

三

服此藥補脾土以生肺金否則不治

人參

白朮

各貳錢

黃芪

貳錢伍分

茯苓

陳皮

當歸

各壹錢

升麻

叁分

麥門冬

柒分

五味子

肆分

桔梗

陸分

甘草

伍分

右薑棗水煎服

寧蘼散

治肺癰咳嗽氣急睡卧不安心胸脹滿

甜葶藶子

貳兩半隔紙炒赤色

百合

炒

白附子

北五味子

炒

甘草節

羅參

欵冬花

百藥煎

紫苑

去木各壹兩

大硃砂

半兩另研

右為末每服貳錢燈心湯調下

補肺散

治肺癰已吐出膿血以此潤護

真鍾乳粉

白滑石

右研細每服叁錢米飲調下

理肺膏

治肺癰正作咳唾不利胸膈迫塞

訶子去核

百藥煎

五味子微炒

條參去蘆

欵冬花藥

杏仁

知母

貝母

甜葶藶子

紫苑

百合

甘草節各伍錢

右爲末用白茅根淨洗秤參斤研取自然汁入磁石器中熬成膏更添入好蜜貳兩再熬勻候調和前藥爲圓如梧子大溫水吞下

五香白朮散

寬中和氣滋益脾土生脾金進美飲食

沉香

木香

明乳香

丁香

藿香葉

各半兩

白朮

羅參

白茯苓

薏苡仁

山藥

藟豆

桔梗

縮砂

白豆蔻

粉草

蓮肉各壹兩

右為末蘇鹽湯調空心服棗湯亦可有汗加浮麥煎湯下

肺癰已破入風者不治 肺癰吐膿後其脉短而濇者自痊浮

大者難治其面色白而反赤者此火之尅金皆不可治

金匱方論曰熱在上焦者因欬為肺痿肺痿之病何從得之或

從汗出或從嘔吐或從消渴小便利數或從便難又被快藥下

利重亡津液故寸口脉數其人欬口中反有濁唾涎沫者為肺

痿之病若口中辟辟燥欬即胸中隱隱痛脉反滑數此為肺癰

欬唾膿血脉數虛者為肺痿數實者為肺癰 雲此言肺痿屬

熱如欬久肺傷聲啞聲嘶咯血此屬陰虛火熱甚是也本論治

肺痿吐涎沫而不渴者其人不渴必遺尿小便數以上虛不能

制下故也此爲肺中冷必眩多涎唾用炙甘草乾薑此屬寒也
肺痿吐涎多心中溫液者用炙甘草湯此補虛勞也亦與補陰
虛火熱不同是皆宜分治之故肺痿又有寒熱之異也

精勞傷血氣腠理虛而風邪乘之內盛於肺也則汗出惡風咳
嗽短氣身熱項強胸脇脹滿久久不瘥已成肺痿也 保肺癰

者由食飲不節 熱或醜飲熱酒燥熱傷肺所致治之宜早

湯通于金謂妄汗必殺人腸癰爲病小腹重而強按之則痛便

數似淋時時汗出復惡寒身皮甲錯腹皮急如腫狀其脉數者

小有膿也巢云洪數者已有膿脉若遲緊者未有膿甚者腹脹

大轉側有水聲或繞臍生瘡或膿自臍出或大便出膿血 脉

經問曰羽林婦病何以知腸有膿師曰脉滑而數滑則爲實數

則爲熱滑則爲榮數則爲衛衛數下降榮滑上升榮衛相干血
爲敗濁小腹痞堅小便或澁或自汗出或復惡寒膿爲已成設
脈遲緊則爲瘀血血下卽安 丹溪云腸癰大腸有熱積死血
流注桃仁承氣湯加連翹秦朮 薛腸癰因七情飲食所致治
法脈遲緊者未有膿也用大黃湯下之脈洪數者已有膿也用
薏苡仁湯排之小腹疼痛小便不利膿壅滯也牡丹皮散主之
若大便或臍間出膿者不治內經曰腸癰爲病不可驚驚則腸
斷而死故患是者其坐卧轉側理宜徐緩時少飲薄粥及服八
珍湯固其元氣靜養調理庶可保全其生 丹溪治一女子腹
痛百方不治脈滑數時作嘔腹微急曰痛病脈當沉細今滑數
凡腸癰也以雲母膏一兩炙硝子大以牛皮膠溶入酒中

下之餉時服盡下膿血愈 一婦以毒藥去胎後當臍右結一
塊痛甚則寒熱塊與臍高一寸痛不可按脉洪數謂曰此瘀血
流溢於腸外育膜之間聚結爲癰也遂用補氣血行結滯排膿
之劑三日決一鋒針膿血大出內如糞狀者臭甚病婦恐因調
氣血生肌則內外之竅自合不旬日而愈 呂滄洲治郡守李
母龐病小腹痛衆醫皆以爲瘕聚久藥不効呂診循其少陰脉
如刀刃之切手胞門菀而數知其陰中痛癰結小腸也告之曰
太夫人病在幽隱不敢以聞幸出侍人語之乃出老嫗呂曰苦
小腸癰以故臍下如瘕聚今膿已成痛迫于玉泉當不得前後
溲洩則痛甚嫗拜曰誠如公言遂用國老將軍爲向導麒麟竭
虎珀之類攻之膿自小便出應手愈 呂又治一小兒十二歲

患內癰腹脹臍凸而頗銳醫欲刺臍出膿其母不許請呂視之
見一僧擁爐熾炭然銅筋一枚烈火中瞪目視翁曰此兒病癰
發小腸苟舍刺臍無他法呂諭之曰臍神闕也針刺所當禁矧
癰舍於內惟當以湯丸攻之苟如而言必殺是子矣僧怒趨而
出呂投透膿散一七明日膿自氣合潰繼以十奇湯下萬應膏
丸而瘥 虞恒德治一人得潮熱微似瘧似小腹右邊有一塊
大如雞卵作痛右脚不能伸縮一醫作奔豚氣治十餘日不驗
虞診其脉左寸芤而帶瀼右寸芤而洪實兩尺兩關俱洪數曰
此大小腸之間欲作癰耳幸膿未成猶可治與五香連翹湯加
減服之間以蜈蚣炙黃酒調服之三日愈 儒醫李生治一富
家婦有疾診之曰腸胃間有所苦耶婦曰腸中痛不可忍而大

便從小便出醫皆謂古無此證不可治李曰試爲籌之若服我
之藥三日當瘳進小丸子數十丸煎黃芪湯下之下膿血數升
而愈其家喜問治法李曰始切脉時覺芤脉見於陽部脉訣云
寸芤積血在胸中關內逢芤腸裏癰此癰在內所以致然所服
者乃雲母膏爲丸耳切脉至此可以言醫矣薛已治通府張
廷用患之兩月餘矣時出白膿體倦惡寒此邪氣去而中氣虛
也乃用托裏散兼益氣湯徐徐呷之又令以豬肚肺煮爛取其
湯調米粉煮時呷半盞後漸調理而痊一男子裏急後重下
膿脹痛此脾氣下陷用排膿散蠟礬丸而愈後因勞役寒熱體
倦用補中益氣湯而安一婦人小腹脹痛小便如淋時時汗
出此瘀血凝結於內先進神效瓜蒌散二劑少愈更以薏苡仁

湯而愈 一婦人小腹脹痛而有塊脉芤而澁此瘀血為患也

以四物加玄胡索紅花桃仁牛膝木香二劑血下而痊 一婦

人小腹脹痛大便秘澁轉側有水聲脉洪數此膿瘀內潰也以

梅仁湯一劑下瘀血諸症悉之再以薏苡仁湯二劑而痊 一

婦人膿成脹痛小便不利脉洪數此膿毒內潰也服太乙膏三

錢膿下甚多更以瓜蒌散蠟礬丸及托裏散而安 如用雲母膏尤妙

一婦人產後惡血不止小腹作痛服瓜子仁湯下瘀血而痊凡

瘀血停滯宜急治之緩則腐化為膿最為難治若流注關節則

為敗症

薏苡附子散 治身甲錯腹皮急如腹脹本無積聚身熱脉數

者

附子炮貳分

敗醬分

薏苡仁錢

右為末每服方寸匕以水貳合煎頓服小便當下三因薏苡附子同煎敗醬用壹兩壹分每肆錢水盞半煎七分去粗空心服

按此方乃辛熱之劑也若積久陰冷所致宜用丹溪云身甲錯腹皮急按之濡如腫狀腹無積聚身無熱脉數此腸內有癰積久陰冷所致故金匱有用附子溫之即此方也

牡丹湯

治腸癰小腹腫痞按之即痛小便如淋時時發熱自

汗惡寒其脉遲緊者膿未成可下之當有血洪數者膿已成不可下

牡丹皮

瓜蒌仁

各壹錢

桃仁

去皮尖

芒硝

各貳錢

大黃錢伍

右作一服水貳鍾煎至壹鍾去滓人稍再煎數沸不拘時服
按此乃破血之劑也如發熱自汗惡寒小腹作痛小便如淋
脉遲者有効丹溪云小腹腫痞按之痛小便如淋或自調發
熱身無汗復惡寒其脉遲緊者膿未成宜下之當有血此內
結熱所成也故金匱有用大黃利之卽此方也若無前證恐
不宜用亦有腹內脹痛脉滑數或膿已下或後重時時而下
宜用排膿散太乙膏蠟礬丸及托裏藥

薏苡仁湯

治腸癰腹中疔痛煩毒不安或脹滿不食小便澀

婦人產後虛熱多有此病縱非癰但疑似間便可服

薏苡仁

瓜蒌仁

名參

牡丹皮

桃仁

各貳

右作一服水或鍾煎至壹鍾不拘時服

按此方藥品和平其功且速常治腹痛或發熱或脹滿不食水道澁滯產後多有此證或月經欲行或行後作痛尤効

牡丹散 治腸癰冷證腹濡而痛時時利膿

牡丹皮

人參

天麻

白茯苓

黃芪

木香

當歸

川芎

官桂

桃仁

去皮炒各柒錢半

白芷

薏苡仁

甘草

炙各伍錢

爲細末每服叁錢用水壹鍾煎至柒分食前溫服

梅仁湯

治腸癰裏急隱痛大便秘澁

梅核仁

肆拾玖粒去皮尖

大黃

叁兩

牡丹皮

壹兩柒錢半

芒硝 貳兩

冬瓜仁 肆兩

犀角 兩半

右剉如麻豆大每服伍錢水貳盞煎至壹盞去滓温服以利
下膿血叁兩行爲度

大黃湯 治腸癰少腹堅硬腫大如掌而熱按之則痛其上色

或赤或白小便稠數汗出增寒其脉遲緊者未成膿如脉數
則膿已成

大黃 剉炒

牡丹皮

硝石 研

芥子

桃仁 湯浸去皮尖雙仁砂各半兩

右剉碎每服伍錢水貳盞煎至壹盞去滓空心温服以利下

膿血爲度未利再服

四聖散 一名神効 治陽離離直生於腦背腋孔更毒服之神

効

生黃瓜蔓 壹枚 去皮

粉草 肆錢 研末

沒藥 研末 壹錢

乳香 壹錢 研末

右用好紅酒貳大碗慢火煎至壹碗分作兩服兩日服盡大
便順導惡物妙若乾瓜蔓則用兩枚一方若病在上食後服
病在下食前服毒已結成卽膿化爲水毒未成卽於小便中
出疾甚再合服以退爲度

郭氏瑞効丸 方見 腫瘍

雲母膏 治一切癰疽瘡癤折傷等證

蜀椒 去目及閉 口者微炒 白芷

沒藥 赤芍藥

肉桂 當歸

鹽花 菖蒲

清揚補

麒麟竭

黃芪

白芨

芎藭

木香

龍膽草

白斂

防風

厚朴

麝香

桔梗

柴胡

松脂

人參

蒼朮

黃芩

乳香

附子

茯苓

良薑

合歡皮

各伍錢

硝石

甘草

雲母

各肆兩

桑白皮

槐枝

柳枝

柏葉

水銀

以絹另包待膏成以手細彈在上名養膏母

陳皮

各貳兩

清油

肆拾兩

黃丹

貳拾兩

右除雲母硝石麒麟竭乳香沒藥麝香鹽花黃丹八味另研

外餘藥並細切入由浸七日文火煎以柳枝不生手覺矣

沸乃下火沸定又上火如此者三次以藥黑色為度去粗再
熬後入丹與八味末仍不住手以槐柳枝攪滴水中成珠不
軟不硬為度磁器收貯候溫將水銀彈上用時先刮去水銀
或服或貼隨宜用之其功甚大也

排膿散 治腸癰小腹脹痛脈滑數或裏急後重或時下血

黃芪鹽水 當歸酒 金銀花 白芷

穿山甲蛤粉炒 防風 連翹 瓜蒌柱

甘草各壹錢

作一劑水貳鍾煎捌分食前服若膿將盡去穿山甲連翹加
當歸川芎或為末每服叁錢食後蜜湯調下亦可

神仙蠟礬丸 治腸癰內托神效不問老幼皆可服之無不効

最止疼痛不動臟腑

黃蠟半兩要黃色者一方用柒錢

白礬壹兩要通明者細研

右熔化黃蠟和礬為丸如梧桐子大每服貳拾丸漸加至叁拾丸食遠用温白湯送下

胃脘癰素問帝曰人病胃脘癰者診當何如岐伯曰診此者當

候胃脉其脉當沉細沉細者氣逆甲乙經沉細作沉澁逆者人迎甚盛甚

盛則熱人迎者胃脉也逆而盛則熱聚於胃中而不行故胃脘

為癰也病能篇薛聖濟總錄云胃脘癰由寒氣隔陽熱聚胃口

寒熱不調故血肉腐壞以氣逆於胃故胃脉沉細以陽氣不得

上升故人迎熱盛令人寒熱如瘡身皮甲錯或咳嗽或嘔膿唾

血若脉洪數膿成也急排之拯危於血也急下之否則其毒

內攻腐爛腸胃矣丹溪先生云內疽者因飲食之毒七情之火相鬱而發用射干湯主之愚常以薏苡仁湯牡丹皮散太乙膏選用之亦効若吐膿血飲食少思助胃壯氣爲主而佐以前法不可專治其瘡 一男子寒熱作渴不時咳吐口內血腥又五日吐膿身皮甲錯用射干湯四劑膿血已止但氣壅痰多以甘桔湯而愈 一胃子用射干湯之類將愈但氣喘體倦發熱作渴小便頻數此肺氣不足用補中益氣山藥山茱麥門五味時仲夏更以生脉散代茶飲而愈 一婦人素食厚味吐膿已愈但小便淋瀝此肺腎氣虛用補中益氣加麥門五味及加減八味丸而愈若膏粱之人初起宜用清胃散

射干湯

治胃脘癰人迎脈逆而盛嗽膿血榮衛不流熱聚胃

口成癰

射干毛去

梔仁

赤茯苓

去皮

升麻

各壹兩

赤芍藥

壹兩半

白朮

半兩

右為末每服伍錢水貳盞煎至壹盞去渣入地黃汁壹合蜜

半合再煎溫服不計時候

復元通氣散

精要

治諸氣泄耳聾腹癰便癰瘡疽無頭止痛消

腫

青皮

陳皮

各肆兩

甘草

叁寸生熟各半

穿山甲

炮

瓜蒌根

各貳兩

金銀花

連翹

各壹兩

右為細末熱酒調下

芍藥湯

治胃脘積熱結聚為癰

赤芍藥

石膏

犀角

麥門冬

薺芩

木通

朴硝

升麻

玄參

甘草

生各壹兩

右咬咀每服伍錢水壹盞半煎捌分去滓不拘時溫服

眼腫

涼血飲

即引兵先鋒方治心肺有熱或作寒熱口乾好

飲水渾身疼腹內作熱頭面赤色

內托散

即前鋒正將方治同上兼用敷角洗貼

已潰多服加味十奇散

以上並見腫瘍門

腎癰

八味丸

治腎虛嗜慾過度外挾寒邪發為癰腫不可施

以涼劑宜服

方見潰陽門

加味十奇散

治同上兼用葱白橘葉椒葉豬蹄湯淋洗仍貼

金絲膏

方見前
腫瘍門

疔瘡

疔瘡者以其瘡形如疔蓋之狀而得名皆生頭面四肢發黃疱
中或紫黑必先癢後痛先寒後熱凡人一二日間惡寒發熱四
肢沉重心悸眼花頭疼體痛稍異如常之證須宜徧身尋認如
有小瘡與嘗患之瘡稍異卽是疔也大抵起紫疱者多起堆核
者少發於手上者多發於別處者少生兩足者多有紅絲至臍
生兩手者多有紅絲至腋生脣面口內者多有紅絲入喉以鍼
刺瘡不痛無血是其候也經云膏粱之變足生大疔大抵多出
恣食厚味卒中飲食之毒或感四時不正之氣或感蛇蟲之毒
或感疫死牛馬猪羊之毒或人汗入肉而食之皆生疔瘡各宜

審而治之若嘔逆直視譫語如醉者不可治矣又有內疔一證
與外疔之證大同但瘡形不現過數日間有一處腫起者卽是
內疔所發之處但腹痛甚者便須作內疔治之不可緩也緩則
殺人 華元化云疔有五色屬五臟紅屬心發於舌根青屬肝
發於目下黃屬脾發於口脣白屬肺發於右鼻黑屬腎發於耳
前以種類言之千金方外臺秘要神巧萬全方皆稱一十三種
始不止也 麻子疔狀如麻子而稍黑四邊微赤多痒少痛忌
食麻子油衣麻衣并入麻田中行穿麻布人 火疔發於頂門
或發於面身熱如火狀如湯火燒灼瘡頭有黑靨四邊煙焰又
如赤粟米忌火炙燒鍼烙 脾疔生於脣四白 眉疔生於眉
鬚疔生於鬚中 龍泉疔生於脣上 虎鬚疔生於脣下

魚尾疔生於眼角外 顴骨疔生於顴骨上亦名赤面疔其狀
色白頂陷如錢孔鼻有紫色者大凶 耳疔生於耳中亦名黑
疔連腮赤腫 鼻疔生於鼻內痛引腦門不能運氣鼻如大瓶
黑色者不治 頰疔生於面頰骨尖高處 氣疔形如氣泡感
怒而生 腐疔色白有炮三日內頂陷狀如初灸瘡因夏月造
豆腐時人汗滴於內食之而生忌食豆腐 鬼疔因中陰邪之
毒而生 瓜藤疔延蔓無數忌瓜田中行 石疔皮肉相連堅
鞭如石刺之不入肉微痛忌砂礫 鹽膚疔大如匙面四邊皆
赤有黑點如粟粒起忌食鹽物 水洗疔狀如錢形或如錢孔
瘡頭黑裏白膿汁出而中鞭極癢透骨搔則快然忌水洗渡河

黃外黑黑處刺不痛黃處刺則痛 三十六疔其狀頭黑浮起
形如黑豆四畔起大赤色今日生一明日二後日三乃至十若
滿三十六藥所不能治未滿者可治俗名黑炮忌噴怒畜積愁
恨 豬疔形圓而小瘡口內有油 羊疔形長而白色 牛疔
形圓而小瘡內無油炮起搯不破有寒熱 狗疔色赤而長或
帶尖與牛疔同無忌不殺人 驢馬疔其狀三角頂上有黑點
根脚有赤色或突起 水疔狀如水泡因飲隔宿水而生忌飲
水 臍疔生於臍 脇疔生於脇 刀鏃疔狀如薤葉長寸許
肉黑如燒烙忌刀鍼 暗疔生兩腋下而無頭但腋下堅鞭四
肢拘急寒熱大作陰囊腫痛羣丸附生突兀如疔寒熱併作亦
名暗疔 寸疔生手指骨節間 虎口疔生合谷穴 魚臍疔

狀如魚臍

菜萸疔中凹邊突

蛇眼疔頭黑皮浮形如小豆

狀似蛇眼忌惡眼看并嫉妬人見之及觸毒藥

紅絲疔一名

血箭疔一名赤疔一名紅演疔生於舌根下或生頭面或生手

足骨節間其證最急宜迎其經刺出惡血則愈稍遲毒氣攻心

嘔噦迷悶者死若絲近心腹者就於絲盡處刺出惡血更挑破

初起瘡頭以泄其毒 芝麻疔走注不定徧身疼痛不能轉側

爛疔潰出膿水大如匙面色稍黑有白斑忌沸湯熱食爛物

雌疔瘡頭稍黃向裏靨亦似炙瘡四面炮漿起心凹色赤大

如錢孔又有一枚在他處以水噴之則見大忌房事 雄疔其

狀頭黑靨突起四畔仰炮漿起有水出色黃大如錢孔忌房事

黃疔有根在皮發如齒根之色手止麻木延出不治者死

黑疔狀如黑炮

櫻桃疔狀如櫻桃

蛇頭疔生手指頭兩旁

狀如地頭甚腥穢紫黑色痛引心有潰爛脫落者

足面疔狀

如粟米痒極入骨急隔蒜炙之

大抵如豆如日如箔金如菜

莢如石榴子或發疹搔破而青黃赤色汁出或衣物觸着而疼

痛忽生或白而腫實或赤而浮虛其狀不一初覺頂不起者急

隔蒜炙之炙而有炮者吉無炮者凶服汗劑得汗則生無汗則

死刺出紫血者危出黑血者死 緩者一日瘡頂炮色微白二

日炮色大白三日色微紫四日色真紫皆緩之候也 急者五

日色微青小緊六日色深青大緊七日色黑其形如魚臍或如

炙瘡之狀皆急之候也 凡生疔瘡身熱頭疼手足溫和平飲食

如常疔之四圍赤腫名曰護場可治 凡生疔瘡眼白睛癡不

轉渴欲飲水內熱瘡盛唇舌青卧牀不能起五心腫頭暈眼花
氣麤食不進脉伏譫語惡心腹痛冷汗出手足冷滑泄無度疔
之四圍無赤腫名曰不護場不可治 瘡證急者有應如生一
疔之外別處肉上再生一小瘡卽是有應可用鍼挑破護場瘡
四圍有赤腫生多瘡者謂之滿天星飲食如常頭痛身熱手足
温 瘡證凶者無應別處肉上無瘡不護場疔四圍無赤腫腹
痛甚者有內疔若毒入心腹眼黑如見火光煩悶嘔逆恍惚癡
眠瞳人不動赤脉貫睛胸脇赤腫瘡陷不起發皆死候也 凡
疔瘡必有紅絲路急用鍼於紅絲所至之處出血及刺疔頭四
畔出血若鍼之不痛或無血者以鍼燒紅頻烙患處以痛爲痛
若下部所患多宜隔蒜灸之痛則灸至不痛不痛則灸至痛若

灸之而不痛者宜明灸之及鍼疔四畔出去惡血却以稜鍼深
刺破疔頭瘡口用海馬拔毒散敷之或雄礬丹敷之待疔四圍
發黃胞浮腫知痛爲佳若疔未發用火鍼四畔亂刺如有紅絲
脈盡處亦以火鍼三向刺斷疔

如此樣刺了卽敷藥若疔

不痛不發者用艾火於疔瘡上灸之三壯候瘡邊起黃胞發後
方可貼膏藥凡疔腫皆刺中心至痛又刺四畔令出惡血去血
傳藥藥氣入鍼孔佳若不鍼透瘡內不得力也若起紫疱初然
切不可鍼破服藥趕出胞自破出血水爲妙若服藥胞又不破
方以鍼挑破無方若起紫胞腫痛者以萬病解毒丸外塗內服
若成膿不乾者以米醋調鐵鏽塗之自然凸出膿水卽乾 多
有患此不覺而暴死者用燈照看徧身有小瘡卽是疔毒宜灸

瘡處候甦更服敗毒藥并追疔奪命湯若內疔之證用化毒丸
置舌上含化出涎或只用蟾酥一粒重者二粒置病人舌上含
化化後良久用井水漱去毒涎爲妙若牙關急急及喉內患者
並宜含蟾酥丸或朱墨丸良久用井水漱去更宜服二丸少停
又服二丸又服奪命丹或雄黃丸通利一行得利爲度又用霹
靂火汗之再用前藥調之或初生一箇次生二箇逐漸流注者
急將初生者用鐵筒拔毒膏點破消蝕惡肉卽不流注却以油
髮虵退土蜂房皂角刺各另燒存性等分白芨減半爲末揆之
以平瘡口此卽前所謂三十六疔者也其魚臍疔瘡頭深黑破
之黃水滲出四畔浮漿其毒尤甚通用前法及服萬病解毒丸
以清心行血

治發表實者宜解表以判方救毒救宜守奪命

湯初發之時必發熱身疼此乃毒氣在表故發表則毒從毛腠
而出 裏實者宜攻裏以救命追黃湯連翹攻裏散表證皆罷
毒氣入裏口渴便秘毒在內也故攻裏則毒從臟腑而出 表
裏俱實者宜解表和裏以化毒消腫和裏散加紫河車獨腳蓮
紫金藤苦花子其證發熱身疼口渴便秘乃表裏俱見故攻發
並用也 腫勢盛脉浮數者宜散之蟾酥丸返魂丹 毒勢盛
脉沉實者宜下之奪命丹萬病解毒丸 無表裏證服散毒消
毒藥後以復元通氣散加麝香少許 虛弱人以五香連翹湯
合十宣散稍虛者只以人參敗毒散 按五香連翹湯乃溫熱走
竄之藥既是虛人豈其所
宜當用薛
氏法為長 疔毒拔出用金銀白芷散十宣散調理未潰者不
須此藥 初發惡寒發熱或拘急或頭疼或寒熱交作或肢體

重痛或大便秘結宜以敗毒散加防風荆芥連翹黃芩青木香
金銀花天花粉大黃生地黃若無惡寒但發熱者可服劫瘡消
毒散十神散萬全散若表證皆罷毒氣入裏者可用雄黃丸

怯弱之人不可用峻利藥攻之宜隔蒜灸五十壯以人參敗毒
散數劑若生道遠位僻之處非峻利則藥力不到若以峻利則
胃氣先傷虛虛之禍有所不免不若灸之爲宜 疔瘡四畔紅

赤漸散開潤走胤不止此名疔瘡走黃宜以通聖消毒散通利
兩三行次去大黃朴硝調理而愈或解毒消瘡散亦可用之有
效此宜作瘡氣治之無誤 疔瘡腫硬脉數煩躁喜冷口渴便

秘宜以連翹攻裏散壹服次用蟾酥丸若兼有表邪者以荆防

敗毒散加金銀花天花粉大黃連翹脉實有熱更加黃連黃芪

或只加苦花子退熱治癰之妙藥也。若因剝割疫死牛馬豬羊贅悶身冷遍體俱有紫泡此疔毒也。急灸泡處良久遂甦。卽以人參敗毒散加防風荆芥投之。若忽然惡寒作嘔肩臂麻木手心瘙癢遂贅悶不自覺知但有一泡此疔毒也。急灸五十壯而甦。又五十壯知痛投以荆防敗毒散而愈。古人謂暴死多是疔毒。急用燈照徧身。若有小瘡紫泡異常者卽是急灸其瘡。但是胸腹溫者可救。若因開割瘡死牛馬豬羊之毒或食其肉致發疔毒或在手足或在頭面或在胸腹或在脇肋或在背脊或在陰勝或起紫泡或起堆核腫痛創人發熱煩悶頭疼身痛骨節煩疼先用天馬奪命丹次用四神丸解毒消瘴散次以七神散又以萬病解毒丸劫瘴消毒散兼服朱墨丸并用祛瘴

散多用毛屎梯根磨水服或仙人薯根磨水服如不熱磨酒服
大熱不退者宜用退熱消毒飲又要以穉瘡散穉住不使走亂
又以洗瘡散淋洗次以刷瘡散塗刷若成瘡以揆瘡散揆之好
膏藥貼之若患疔瘡始初不覺不曾用前法出汗過數日外
證皆罷或在胸腹之間或匿胸之下腫起此乃毒氣入裏所致
用霹靂火治之若服當歸膏外證不解者亦急用霹靂火發散
若疔瘡在兩脇間毒氣欲奔心乃危急之證也可急於瘡尖
上用艾炷灸三五壯仍於灸穴前後左右鍼出少血灸瘡四圍
有炮起吉無炮凶若疔在虛軟不便處不可用鍼只可用松鍼
法針斷紅絲路若生兩脇間毒氣欲奔腎者用松鍼法於兩脇
紅絲路盡處針斷出血若生頭面上者可於頂間紅絲路盡處

針斷出血若各處紅絲路亦有不現者亦可以消詳用松針法
針之凡用松針者蓋因紅絲路不現無可下針故用此法於頂
下脇下腋膀虛軟之處針斷紅絲路不使毒氣攻心攻腎而已
若手足厥冷六脉俱絕者此毒氣已深氣血爲毒氣所併不
能通流故體冷而脉不見宜木香流氣飲連進數服氣血通流
脉自回矣然後依法治之萬不失一 內疔之證與外疔並同
亦發寒熱頭疼身痛但瘡形不現不過數日胸背腹脇頭面手
足間或有一處腫起卽內疔所發之處急用霹靂火如前不護
場汗發於腫處出汗若身體寒熱雖未有腫起但腹痛甚者便
須作內疔證用後法治之不可緩也 治內疔蟾酥須於取時
用桑葉小錢大人蟾酥搗和得所丸如珍珠大陰乾用

治驗

張嗣伯嘗聞屋中呻吟聲曰此勞甚重乃往視之見一老姥稱體痛而處處有黯黑無數張還煮斗餘湯送令服之服訖痛勢愈甚跳投牀者無數須臾所黯處皆拔出釘長寸許以膏塗瘡口三日而復云此名釘疽也 羅謙甫曰丙午歲予居薈城人多患疔瘡縣尹董公謂予曰今歲患疔瘡者極多貧民無力醫治近於史侯處得數方用之者無不效官給藥錢君當捨手治之遂諾其語董公榜示通衢命予施藥如此一年全活甚衆其用保生錠子千金托裏散神聖膏藥破棺丹凡四方 郭氏治一婦年近六十右耳下天臑穴間患一疔瘡其頭黑壓四邊泡起黃水時流渾身麻木發熱譫語時時昏沉六脉浮洪用烏金散干之就以鉗針先刺瘡心不痛周燕再刺十餘下紫

黑血出方知疼痛就將寸金錠子緝入瘡內外用提丁錠子放於瘡上膏藥貼護次日汗後精神微爽却用破棺丹下之病卽定其疔潰動後用守効散貼塗紅玉錠子緝之八日其疔自出矣茲所謂審脉證汗下之間治以次第如此視彼不察脉證但見發熱謔語便投涼藥與下或兼以香竈之藥遂致誤人者徑庭矣 薛已治一婦左手指患疔麻癢寒熱惡心左半體皆麻脉數不時見曰凡瘡不宜不痛不可大痛煩悶者不治今作麻癢尤其惡也用奪命丹二服不應又用解毒之劑麻癢始去乃作腫痛薛曰勢雖危所喜作痛但毒氣無從而泄乃針之諸證頓退又用解毒之劑而瘥 蘇痒盛原博掌後患疔紅絲至腕惡寒發熱勢屬表證與奪命丹一服紅絲頓消又用和解之劑

大勢已退彼又服敗毒藥發渴發熱紅絲仍見脉浮大而虛此
氣血受傷而然以補中益氣湯主之而愈蓋奪命既服瘡邪已
散而復用敗毒之劑是誅伐無過失內經之旨矣 一儒者患
疔元氣素弱薛補其氣血出膿而愈後因勞役瘡痕作癢乃別
服敗毒散一劑以致口噤舌強手足搐搦痰涎上湧自汗不止
此氣血復傷而復瘕也用十全大補加附子壹錢灌服而甦
一男子患疔服奪命湯汗不止瘡不痛熱不止便不利此汗多
亡陽而真氣傷矣用參芪歸朮芍防五味二劑諸證悉退惟以
小便不利爲憂薛曰汗出不利小便汗止則陽氣復而自利矣
仍用前藥去防風加麥冬倍用黃芩當歸四劑而便行瘡潰而
愈 表甥居富右手小指患疔色紫或云小瘡針刺出血收以

涼藥掌指腫三四倍黯而不痛神思昏憤煩躁不寧此真氣奪而邪氣實也先以奪命丹一服活命飲二劑稍可薛因他往或徧刺其手出鮮血碗許腫延臂腕熯大如瓠手指腫數倍不能潰薛用大劑參芪歸朮之類及頻灸徧手而腫漸消但大便不實時當泄氣此元氣下陷以補中益氣加骨脂肉蔻吳茱五味大便實而氣不泄又日以人參伍錢麥冬叁錢五味貳錢水煎代茶飲之又用大補藥五十餘劑而漸愈此證初若不用解毒之劑後不用大補之藥欲生也難矣 一人年二十唇患疔四日矣有紫脉自瘡延至口內將及於喉薛曰此真氣虛而邪氣實也若紫脉過喉則難治矣須針紫脉併瘡頭出惡血以泄其毒則可乃別用解毒之劑頭面俱腫求治甚篤薛曰先生之言

不誣矣診其脉洪數按之如無口內腫脹針不能入爲砭面與
脣出黑血碗許勢雖少退略進湯終至不起 都憲張恒山左

足指患之痛不可忍急隔蒜灸三十餘壯卽能行步欲速愈或
用涼藥敷貼遂至血凝肉死毒氣復熾再灸百壯服活命飲出
紫血毒纔得解脚底通潰腐筋爛肉甚多將愈誤用生肌藥反
助其毒元氣虧損而不能愈薛治以托裏藥喜甚稟實客處三
月餘方愈大凡疔患於肢節灸法有回生之功設投以涼劑收
歛腠理隧道壅塞邪氣愈甚多致不起若毒未盡驟用生肌輕
者反增潰爛重者必致危亡 一男子足指患疔腫焮痛亦用

隔蒜炙人參敗毒散加金銀花白芷大黃二劑痛止又用十宣

散加天花粉金銀花去桂殼劑而愈

僕曷傳云黃昏丁亥金

臺有婦人以羊毛徧鬻於市忽不見繼而都人身生泡瘤漸大
痛死者甚衆瘤內惟有羊毛道人傳一方以黑豆蕎麥爲粉塗
擦毛落而愈名羊毛疔

荆芥敗毒散方見腫瘍加菊花葉妙鮮者搗汁入藥尤良

治疔瘡

黃連

羌活

青皮

白僵蠶

防風

獨活

蟬蛻

細辛

赤芍藥

甘草節

獨脚茅

各等分

右咬咀每服伍錢先將壹服入澤蘭葉少許薑拾錢重同搗

爛熱酒和服然後用酒水各半盞薑叁片煎服病勢退減後

再加黃少許煎服畧下一二行蕩去餘毒更用白梅蒼耳

子研爛貼瘡上拔去根脚

二活散

羌活

獨活

常歸

烏藥

赤芍藥

金銀花

連翹

天花粉

甘草節

白芷 各錢

紅花

蘇木

荆芥

蟬蛻

乾葛 各錢

檀香 錢貳

右為細末每服叁錢煎蒼耳湯調下

奪命丹 治疔瘡發惡心及諸惡瘡

蟾酥 乾者半 硃砂 水飛

輕粉 伍分

榴礬

寒水石 水飛各壹錢 銅綠 壹錢

麝香 壹字

每羊 貳拾箇 研即蝸

石竹爲細末將海羊另研爲泥和藥一處丸如菽豆大如丸
不就如好酒成之病輕者壹丸貳丸重者叁丸未効再服服
時嚼葱白一大口極爛置手心放藥丸於葱內裹合以熱酒
送下暖處卧取汗出爲効忌冰水薛氏銅綠麝香沒藥乳香
各壹錢

返魂丹瑞竹治十三種疔

硃砂

膽礬各壹兩半

血竭

銅綠

蝸牛生用

雄黃

栝白礬各壹兩

輕粉

沒藥

蟾酥各半兩

麝香少許

右將蝸牛蟾酥研爛餘藥爲細末同研和丸如雞頭大每服
壹丸令病人先嚼葱白叁寸吐在手心將藥丸裹在葱白內

用熱酒壹盞吞下如重車行五里許有汗出即瘥如不能嚼

葱研爛裹下極効

又返魂丹 經云汗之則瘥愈必用此藥汗之

乳香

沒藥

辰砂

雄黃

各壹錢半

輕粉

片腦

麝香

各伍分

海羊

即蝸牛也 不拘多少

青黛

粉草

硼砂

各壹錢

蟾酥

右為細末用海羊搗膏為丸如難丸加酒麪糊些少丸如彈

子大每服壹丸兼生葱頭二三箇細嚼嚥下疔腫及癰腫毒

氣入膈者得微汗即解 一方加銅綠寒水石輕粉枯礬各

壹錢重

飛龍奪命丹

治疔瘡發背腦疽乳癰疽附骨疽一切無頭腫

毒惡瘡服之便有頭不痛者服之便痛已成者服之立愈此乃惡證藥中至寶病危者服之立可矣萬無一失此乃家傳之秘方一生受用不敢輕洩神速之驗即愈立效

輕粉

腦子無亦可

麝香各半錢

血竭

膽礬

寒水石各壹錢

蟾酥乾者酒化

乳香

沒藥

硃砂為衣

銅綠各貳錢

雄黃參錢

蝸牛

貳拾壹箇無亦効

蜈蚣壹條酒炙黃去頭足

右為細末先將海羊連殼研為泥和前藥為丸如菉豆太如

丸不就入酒打麪糊為丸每服貳丸先用葱白三寸令病人

嚼爛吐於手心男左女右將藥丸裹在葱白內用無灰熱酒

叁肆盞送下於避風處以衣蓋覆之約人行五里之久再用

熱酒數杯以助藥發熱汗出為度

初覺貳丸即消如汗不出重者再服貳丸汗出即効三五日
病重者再進貳丸即愈如疔瘡走黃過心者難治之汗出冷
者亦死矣如病人不能嚼葱搗碎裹藥丸在內熱酒送下瘡
在上食後服瘡在下食前服服此藥後忌冷水黃瓜茄子油
猪雞魚肉濕麪一切發風發瘡毒類之物不可食之又忌婦
人洗換狐臭百發百中此藥活人多矣

走馬赴筵丹 治疔瘡

沒藥 乳香

硼砂

麝香

雄黃

輕粉 各叁錢

片腦 壹分

麝香 少許

右為細末蟾酥汁和為丸如黃米大每服壹丸温酒送下

救生丹 治諸種疔瘡眼內火光出昏迷不醒

右於三月辰日採桑葉荆葉用竹針穿成孔用紙裹封固陰
乾至端午日研為細末用蟾酥和為丸如小豆大用時再以
雄黃同藥壹丸研細放舌中汗出効

右奪命返魂等方皆蟾酥雄酥等攻毒之藥非發汗藥也而
能發汗者乃追逐毒氣從腠理而出為汗故也

羅氏破棺丹 治瘡氣火腹危者

大黃 貳兩半
生半熟 甘草

芒硝 各壹兩

右為細末煉蜜丸如彈子每服半丸食後溫酒化下或童溺

半盞研化之忌冷水

又破棺丹

一方有當歸赤芍連翹牡蠣
金銀花紫花地丁宜選用之

脈沉實
者即之

山梔

牽牛末

大黃

各壹兩

甘草

京三稜

炮各柒錢

右煉蜜丸如彈子大酒化服之

內托連翹散

疔瘡出時皮色不變及不疼痛按搖不動身發

寒熱便是此瘡有水疔魚臍疔紫燕疔火疔諸般疔瘡如瘡

黃於黃上用針刺仍服內托散自然消散

連翹

白芷

生地黄

赤芍藥

各壹兩

大黃

去皮

黃梔

去頂

薄荷葉

各柒錢

朴硝

貳兩

黃芩

去心半兩

甘草

壹兩半

右為麤末每服壹兩水壹碗燈心竹葉煎柒分其人喘加入

參少許大病只參肆服愈如服了心煩嘔用不二散止

甘草

參分壹

石為末分作貳服酸薑水下

奪命丹 治疔瘡大便秘實不通者或心腹痛者

巴豆 去殼

大黃 各壹錢

鬱金

雄黃

乳香 各伍分

硃砂

黃丹 各叁分

輕粉 貳分

麝香 少許

蟾酥 不拘多少

石末麪糊為丸如菉豆大隨虛實服之茶清送下伍柒丸至

玖丸止以利為度如無此丸以雄黃丸代之

雄黃丸 治證如前

巴豆 拾肆粒

麝香 少許

全蠍

牙皂

雄黃

大黃

鬱金 各壹錢

右末米糊丸如菉豆大硃砂為衣每服伍柒丸茶清送下以

利為度

追毒丸

海浮石

燒赤醋燉
柒次半兩

乳香

沒藥 各壹錢

巴豆

肆拾
玖粒

川烏

壹兩

右為末醋糊丸如桐子大若患二三日服拾丸五六日服拾肆丸隨病上下服之先吃冷酒半盞或壹盞又用冷酒吞下如嘔吞之不妨出藥依上服之病人大便不動再用參丸如疔看得端的爪破用頭垢留患處後服藥

五聖散

治疔瘡

皂角

貳兩

栝蘘

壹兩

大黃

金銀花

生薑

甘草

各壹兩

右收咀用好酒貳升同煎至捌分去粗不拘時溫服

奪命返魂丹 治一切疔瘡增寒發熱昏悶不語腫徧皮膚不

思飲食

大黃

連翹

山梔子

已上各貳錢半研為細末

巴豆

杏仁

各貳錢麩皮同炒黑色研為細末

人言

伍錢用大蒜伍

筒去心填入人言同燒過性研為末

牽牛頭末

苦丁香

各壹錢

右為細末研勻每服半錢病重者服壹錢用新汲井花水調下壹服見効如病重無脉者吃下藥約一頓飯時吐了藥便

醫不得吐不了藥即活

立馬回疔奪命散

治疔瘡及喉痺乳鷺腫痛大効

牡蠣

當歸

牛蒡子

白僵蠶

各半兩

大黃

壹兩

疔瘡

疔瘡

疔瘡

右咬阻每服半兩用青石磨刀水酒各壹盞煎去滓連進貳服疔瘡服後出汗者生無汗者死

御史散 治疔瘡

生鐵銹

錢叁

爲末木香磨酒調下分病上下食前食後服之得微汗而愈愚按此方乃秘法也未嘗試用常治疔瘡有赤絲攻心腹者用鐵銹叁錢牡蠣貳錢青鹽壹錢爲末挑破瘡頭以燈盞內油調搽其絲自回名換回丹但未用服考之本草云鐵銹生鐵上衣也治惡瘡疥癬蜘蛛等咬蒜磨敷之亦未云服家藏方用貓兒眼草壹擔細切以水擔餘浸二日煮百餘沸去粗取汁煎至叁肆碗用生鐵銹細研末叁兩徐徐入汁內以鐵

杖不住手攪再煎至貳碗許成膏子治一切癰疽瘡毒甚効
燥癰潰後塗瘡內尤効

表裏俱
實者解

防風通聖散 腫

表裏俱
實者解

加減通聖散 治疔瘡瘴氣紫游風等證

防風

荆芥

連翹

赤芍藥

當歸

川芎

桔梗

黃芩

梔子

甘草

青木香

玄參

牛蒡子

大黃

芒硝

紫金皮

雞屎子

詐死子

谷藤根

芙蓉根

嫩相根

青玉叉

右薄荷生地黃煎服

追疔奪命湯

秘方速効能內消腫

羌活

獨活

青皮多用

防風多用

黃連

赤芍藥

細辛

甘草節

蟬蛻

殭蠶

腳連即雞爪黃連各等分加河車

澤蘭

金銀花

有膿加

何首烏

白芷

要利加

青木香

大黃

牽牛

梔子

在脚加

木瓜各等分

右咬咀每服伍錢先將壹服加澤蘭少用葉金銀花各壹兩

生薑拾片同藥搗爛好酒銚之熱服不吃酒者水煎為妙然

後用酒水各壹盞半生薑拾片煎至熱服汗出為度病退減

後再加大黃貳錢煎至熟服再以利壹兩次去餘毒為妙此方以藥味觀之甚若不切然効速於神驗萬無一失累用累効如有別證再出宜隨證加減治之速効

若心煩嘔吐加

甘草節壹錢

豆粉

酸漿水下

嘔逆惡心加

乳香

豆粉

甘草湯下

加減追疔奪命湯

治疗瘡及癰疽發背惡瘡焮赤腫痛創人

或紫游風赤游風並大効

防風

赤芍藥

連翹

羌活

獨活

細辛

青皮

殭蠶

蟬蛻

青木香

甘草節

金銀花

紫河車

獨腳蓮

右生薑澤蘭生地黃煎服 病勢退減加大黃取利下參伍

行去大黃

防風當歸湯 治疔瘡發熱大便實者

金銀花

山茨菰

青木香

當歸

赤芍藥

白芷

防風

荆芥

連翹

升麻

羌活

獨活

甘草

大黃

右薄荷生地黃煎服

雄麝湯

解疔毒如神

凡解毒不可無雄黃硃砂

雄黃

硃砂

麝香

各另研

乳香

另研各壹錢

白芷

茵草根

真菜豆粉

地丁草

各貳錢

上厲

僵蠶

牛蒡子

炒

大黃

金銀花

青木香

梔子

荆芥穗

朴硝

甘草

各壹錢

胡桃

貳箇去殼膜

右以白芷以後拾肆味細切用無灰酒壹碗浸少時搗細又

加水壹碗同煎至壹碗去粗及濁脚入前雄黃等伍味調勻

作一服更審患處經絡分野依東垣引經瀉火藥加之尤妙

欲利倍加大黃朴硝貳味臨後下 茜草即過山龍地丁即

大薊也

一云剪刀草開黃花名黃花地丁開紫花者名紫花地丁

解毒消癰散 治疔瘡瘰氣發熱者

柴胡

黃芩

黃臂

梔子

木通

赤芍藥

當歸

防風

連翹

大黃

甘草

青木香

消瘰解

紫金皮

雞屎子

詐死子

青王父

嫩柏根

苦花子

右薄荷生地黃煎服

劫瘡消毒散

治瘡氣腫痛發熱者及因剝割瘡死牛馬猪羊

而中其毒者或因食瘡死之肉而中其毒者先服加減通聖

散通利大便次服此藥

百丈光

即天芎又名土人參

苦花子

金腦香

即社茶根梗葉俱可用

大小青

紫金藤

生藍葉

水圻根

烏苞根

嫩柏根

青王父

山烏豆

雞屎子

晚祥西

猥咬柴

土木香

臭木待

根

鈎藤根 梭婆子根

發熱加吉面消毛 糜根

小便不通加

木通 梔子

青黃消毒散

治疔瘡瘴氣服涼藥過劑沉而不發不退者

雄黃 研

大小青

名壹兩

八角茴香

伍錢

右末陳酒調服又以醋和米泔塗患處一日服三次

四神丹

治因剝割瘡死牛馬豬羊不避其氣以中其毒或因

食瘡死牛馬豬羊之肉者或手足各處發疔毒或起紫泡或

起堆核初則創人次漸腫大疼痛不可忍瞽悶發熱口渴心

煩四肢強痛頭目昏花一切瘡毒並皆治之先張此藥次服

劫瘡消毒散

苦花子

又名毛連子又名小葉金雞舌梗葉俱用

土木香

根名青木香梗名天仙藤花名馬兜鈴

仙人薯用根新鮮生者為妙乾者次之各貳兩晚蠶砂壹兩

右鋤碎搗水和煮粽汁冷服熱極加芭蕉心小便利加琉璃草又名耳環尻搗和前藥服之

七神散 治因剝割瘡死牛馬豬羊以中其毒者或因食瘡死

牛馬豬羊之肉而中其毒者或因蛇傷之毒者

苦花子 紫金藤 金腦香 大小青

仙人薯 土木香 百丈光即土人參

右薄荷煎去相上碗調雄黃末服

萬全散 治瘴氣時毒疔瘡蛇犬咬等證

嫩柏根 水圻根 狸咬柴 烏苞根

青王叉 生藍葉 溪楓根 穿山蜈蚣

右薄荷煎服及調雄黃末服或合七神散更妙

七聖紫金錠 治疔瘡瘴氣時毒等證

土木香

苦花子

仙人薯

晚蠶砂

柏花

各壹兩

硃砂

雄黃

各叁錢

右末秫米糊為丸以毛屎梯根磨水化下

硃墨丸 治疔瘡瘴毒

硃砂

京墨

各等分

右末以蟾酥汁為丸如梧桐子大每服貳丸以葱白煎湯吞

下日服壹貳次

祛瘴散

治疔瘡瘴毒蛇傷熱腹痛熱喉風並効驗如神

苦花子

又名苦花椒

右搗水服夏月冷服冬月溫服

天馬奪命丹 治疔瘡蛇傷犬咬鼠咬

青木香 土者根梗俱可用

石木每服壹錢蜜水調下凡治瘴氣蛇傷不可缺此藥也

又方

土青木香 根梗葉同用生者佳

右搗水服夏月冷服冬月溫服

萬病解毒丸 治疔瘡癰疽發背腫瘍時毒狐狸毒鼠莽毒丹

毒驚毒瘴毒風毒熱毒蠱毒河豚疫死牛馬豬羊毒蛇大蜈

蚣蜂蠍百蟲螫咬毒湯火所傷中惡邪氣無名腫毒菰毒砒

毒藥毒瘡毒光粉毒輕粉毒一切邪熱之毒悉皆治之

香 錢貳

硃砂 錢伍

山豆根

雄黃

續隨子 映仁 紫河車

獨脚蓮 各壹

紅牙大戟 壹兩 伍錢

山茨菰 兩

五倍子 兩

右末秫米糊和勻杵擣壹千餘下印作錠子隨意大小每服壹錠井水磨化冬月用薄荷湯磨服日可進貳叁服

刷瘡散 治疔瘡瘴毒服藥後可用此藥刷塗

生藍葉 地薄荷 紫金藤

有糯米泔水暖刷患處次加蠶砂凌霄花雞胆花二花如無以葉代之

揆瘡散 治疔瘡瘴毒潰爛成瘡

柏樹皮 去外面 斲皮

側柏葉 各等分

右細末以柏油先刷次揆末

洗瘡方

相葉

杜葉

柳枝

連父葉

右煎水淋洗之

羅氏托裏散 治一切發背疔瘡

黃芪

壹兩半

厚朴

川芎

防風

桔梗

各貳兩

白芷

壹兩

連翹

貳兩貳錢

芍藥

官桂

甘草節

人參

各兩

沒藥

乳香

當歸

各半兩

右為細末每服叁錢酒壹大盞煎貳叁沸和查温服

治十三種疔皆以此法治之

以緋帛壹片裏藥取匝為限先用亂髮鷄子大攤白布上牛

黃如同子大又以棘刺針或拾壹枚赤小豆柴拉為末並布

髮上捲緋綿作團外以髮作繩十字縛之置熨斗中急火燒
灰研細以枸杞或子或根皮枝葉隨得爲末用枸杞末貳七
緋帛灰壹七共成叁七研勻分貳服空心溫酒調下
連翹黃芪湯 治疔瘡因食瘡死牛羊足生大疔如釘入肉痛
不可忍者

金銀花

黃芪

當歸

連翹

甘草

蜈蚣 壹條去頭
足酒炙

右生薑煎服

治疔瘡陰證脉沉四肢冷瘡不發

右用五香散去大黃加蒼耳蓮肉酸棗仁藿香茯苓黃芪肉
桂當歸防風白芷附子生薑半水半酒煎服以發藥性 如
潮熱皮膚受毒加生大黃此胡地骨皮 如嘔逆脾胃受毒

加丁香 如喘嗽肺經受毒加杏仁去皮尖 知母秦艽紫苑

如眼花心經受毒加硃砂雄黃麝香 如脚冷腎經受毒加

木瓜牽牛並鹽炒 如發渴自汗肝經受毒加黃芩山梔 如

大小便秘腹脹滿加枳殼炒 木通苦葶藶大黃生用

治疗瘡陽證潮熱心間蠶亂或譫語六脉洪大

右用五香散熱不退而渴用不二散蛇牀子大黃生為末以

冷酒或冷水調貳錢止貳服使微利

羅氏保生錠子 治疗瘡背疽癰癤一切惡瘡

金脚信 輕粉各貳錢 雄黃 礪砂各叁錢

麝香壹錢半 蟾酥壹錢 巴豆肆拾玖粒另研文武火炮生用尤妙

右為細末用黃蠟伍錢溶開將藥和成錠子冷水浸少時取

山旋丸捏作餅子如錢眼大將瘡頭撥開每用壹餅次用神

聖膏後用托裏散若瘡氣入腹危者服破棺丹世傳疔瘡必有壹條紅線

可針紅線所至之處
出毒血然後傳藥

滴滴金 治疗瘡

礪砂

輕粉

人言

雄黃

硃砂

各壹錢

麝香

少許

右為細末每用些少先以針刺開瘡頭貼藥黃水出効

疔瘡錠子

礪砂

壹錢

白芷

雄黃

蒼耳子

甘草

各壹錢

右為細末用蟾酥汁和作錠子如前法須用五月五日合

回瘡錠子 治疔瘡大効

草烏頭 壹兩

蟾酥 朱粒

巴豆 朱箇 去皮

麝香 壹字

右為細末麵糊和就捻作錠子如有惡瘡透了不痛無血者用針深刺至痛處有血出以此錠子絀之上用膏藥貼之疔瘡四畔絀之其疔三二日自然拔出此藥最宜緊用此證大抵與傷寒頗類其中亦有可針鑱砭射出血者亦有久而敗爛出膿者其間變異百端不可不慎也

神聖膏藥 羅氏治一切惡瘡

當歸

藁本 各半兩

沒藥

乳香 各貳錢

白芨

琥珀 各貳錢半

黃丹

黃蠟 各貳兩

白膠香 各兩

巴豆 拾伍粒 去油

木鱉子 拾伍箇 去皮

粉霜

犀角 各壹錢

清油

槐柳枝 各壹百貳拾枚

右件壹處先將槐柳枝下在油內熬焦取出復下餘藥熬勿至焦濾出却將油澄清下黃丹再熬成膏用緋帛攤之立有神効

神効

保命集治疗瘡奪命散

烏頭尖

附子底

蠟稍

雌黃

雄黃 各壹錢

蜈蚣 壹兩

礪砂

粉霜

輕粉 各伍分

砒 貳錢半

腦子

麝香 各少許

右為細末先破瘡出惡血以草杖頭用紙帶藥末插入於內以深為度

郭氏寸金錠子

治疗毒惡瘡

硃砂 錢叁

黃丹

明礬 枯

砒霜

輕粉

花鹼

白芨 各壹錢半

蟾酥

腦子

麝香 各少許

右研極細末稠糊和為錠子用之

郭氏提丁錠子

又名透肉錠子

治疗瘡危篤發昏兼治癩癧

雄黃

硃砂 各貳錢

青鹽

砒霜 生

白丁香

蟾酥 去翅足

輕粉 各壹錢伍分

蟾酥

麝香 各壹錢

黃蠟

草麻子 叁柒粒

右為細末於銀器內或磁器先將蠟溶開和前藥丸如桐子

大捻作餅子用針刺破疔瘡放壹餅子於瘡頭上又刺四邊

五七下惡血出為妙却用輭膏藥貼之立驗內服首功玄黑

散或蟾酥丸

郭氏守効散 點疔瘡惡肉

砒霜 生

白丁香

松香

輕粉

川烏

生薑 各貳錢

蜈蚣 壹條 焙乾

右為極細末 鉗針刺破瘡頭 令血出 唾津調藥貼之 瘡上其

根自潰

麝香蟾酥丸 治一切癰疽發背疔瘡內毒如未破用針刺破

搽藥在內膏藥貼之其瘡即潰

蟾酥

輕粉

乳香

各伍分

人言

雄黃

各壹錢

巴豆

拾箇去皮油

麝香

少許

寒水石

參錢

右為細末滴水為丸作錠子如小麥粒大量瘡大小用之寒

食麵糊為丸

追毒丹 取黃去疔頭追膿毒立効

蟾酥

乾用酒化

礞砂

白丁香

無此味加巴豆

輕粉

各壹錢

雄黃

硃砂

為衣各貳錢

蜈蚣

酒浸炙乾黃

巴豆

染粒去殼不去油

石總為細末麵調水為丸如丸不就用酒打麵糊為丸如麥

大兩頭尖入於針破口內用水沉膏貼之後用膏藥及生肌

藥追出膿血毒物又如有黑陷漏瘡者四圍死敗肉不去不

生肌者不可治也亦用此藥追毒去死肌敗肉生新肉愈矣

小者用壹粒大者加用之病輕者不必用針只以手指甲爬

動於瘡頂上安此藥水沉膏貼之其瘡即時紅腫為度去其

敗肉為妙

水沉膏

將白芨末放在盞內用水沉下去用紙貼之如用膏不可用生肌藥凡用粘點之藥用此膏圍貼則不傷好肉

海馬拔毒散 治疔瘡大効兼治惡瘡發背

海馬 貳箇

穿山甲 黃土炒

硃砂

水銀 各壹錢

麝香

片腦

各少許

雄黃

分

右末針破瘡口點藥入內一日一點大有効

芫花根膏 治魚臍疔瘡久治不瘥者

芫花根

膏兩

黑豆

合參

豬牙皂角

伍挺

白礬

參兩 研細

右用醋壹斗將前參味先浸三日於釜中以火煎至貳升去粗却入鐺中煎至壹升入白礬末攪令勻去火成膏但是魚

臍丹惡瘡攤於帛上貼日二易之

治魚臍疔瘡

韭菜

連鬚葱

絲瓜葉

右入石鉢內搗爛如泥以酒和服以滓貼腋下如病在左手貼左腋下右手貼右腋下在左脚貼左脰右脚貼右脰如在中貼心臍並用布帛縛住候肉下紅絲處皆白則可如有潮熱亦用此法却用人抱住恐其顛倒則難救

四聖旋疔散

治疔瘡生於四肢其勢微者先以好醋調藥塗

上以紙封之次服內托裏之藥其疔自旋出根

巴豆仁

分伍

白殭蠶

輕粉

礶砂

各貳錢半

右為細末醋調用之

拔毒散 治疔瘡

蜈蚣 壹條 炙

鹽白霜

粉霜

膽礬

礪石 各壹錢 另研

右為末和勻先用羊骨針挑破頭點藥在上醋糊紙貼上其

根一時自出

保生餅子 治諸疔等瘡

金脚信 貳錢

雄黃

礪石 各叁錢

輕粉

麝香 各壹錢

巴豆 肆粒 熟去殼研

石為末和勻用黃蠟壹兩餅和藥成錠水浸少時取出用時

始捻作餅如錢眼大以羊角骨針挑瘡頭按藥在上以醋糊

紙之膏藥亦可黃水出為効

濟生金砂散 取疔瘡

道人頭

微炒存性壹兩卽蒼耳子

礪砂

叁錢半

雄黃

叁錢

蟾酥

以多為妙

右將瘡四圍刺破以少油調藥末置於瘡內緝帛封之數日

疔自出如瘡入腹嘔逆者將蒼耳搗汁飲之

一方但用礪砂雄黃等分研細

用蜜調先破瘡頭去血入藥豆大在瘡口內紙花貼之亦効

丹 日本三藏傳疔瘡方江子肉拾粒半夏壹大顆研末附子半

枚蜣螂壹枚各為末四味臭

麝香也

相和看瘡大小以紙繩子

圍瘡口以藥泥上又用絹帛貼傳時換新藥以可為度此方

治人甚多

鐵罐膏 治一切惡瘡內毒此藥止痛追死肉

桑柴灰

蕎麥稽灰

石灰

各壹碗

炭灰

許

右用瓦罐壹箇底傍鑽穴壹箇塞住將前項灰填在內用水
汪滿厚紙封固壹伏時用蘆筒插在罐孔內淋之盡其水不
用灰罐將淋灰水於鍋內慢火熬用鐵片續續攪休教燂定
鍋稀稠滴在水內不散為度用鐵罐子盛之封了口或有諸
般瘡及傷風痔漏量瘡用之妙

濟

蟾酥丹治疔瘡取蟾酥以白麵黃丹搜作劑丸如麥粒狀針

破患處以壹粒納之

取蟾酥法用癩蛇破眉稜土以手捻出酥於油紙或桑葉上用竹篦刮下然後

插在背陰處自乾用之

又方用鍼刀鏟破疔頭以蟾酥傅之後用

野菊花

莎草根

甜菜葉

搗細以無灰酒盡量調服之酒醒疔化水卽痛定如熱除不
必去疔亦自愈也

鐵粉散 專治冷疔瘡經久不效

多年生鐵錢炒過

松脂壹錢

黃丹

輕粉各伍分麝香許

右為細末用清油調搽瘡口立効

又方 治疔瘡

山茨菰

銅錢

生薑

江茶

鹽少許

用銀針撥開疔瘡卽以前藥搭作餅子如大棋子放疔頭上

甚者半月皮破可醫不破難治矣

雄黃散 治疔瘡

雄黃

礞砂

蒼耳草

燒灰

右為末醋調數次將菊花搗爛薑汁調清者服之濃者傅之

追毒丸 治疔瘡發背

蝦蟇糞

分

麻蟲

雄黃

黃丹

各壹分

右為末水丸如米大將瘡撥門頭入藥在肉以膏藥貼之

三因蒼耳散 治一切疔腫神効用蒼耳草根莖苗子但取一

色便可用燒灰存性研細用好米醋米泔澄定和如泥隨瘡

大小塗上厚貳分乾即易之不過十度即拔根出須針破塗

之更加雄黃尤妙

治一切疔腫懸癰

右用蒼耳根莖苗但取壹束燒爲灰醋泔藍靛和如泥先以
針刺瘡上及四邊數下令血出度藥氣可以入針孔中卽去
血傳藥乾卽易之不過數度卽拔根出其未結膿者卽內消
也已結膿破潰者再不用針刺只以藥塗之余以忽口角上
生疔腫造甘子振家母爲貼藥經十日不瘥予以此藥塗之
得愈常作此藥以救人無有不瘥者故特以傳後嗣疔腫方
殆有千首皆不及此雖齊州榮姥方亦不能勝此物造次易
得也

治一切疔腫

右用蒼耳草又名羊負來草只用根紅嫩者搗爛無灰白酒
調勻服次用鹽梅肉研爛以豬膽汁和塗瘡頂上其毒卽散

又先用好京墨以薑汁研爛用薑片蘸墨塗四圍腫熱處卽
効一方用蒼耳根葉童便絞取汁令服壹升日三或燒灰和
臘月豬脂傅一方用苗葉搗汁飲之一方用于或葉或根研
爛以米醋調塗腫處立散仍研汁服以瘥爲度

治疔瘡

右於九月九日採芙蓉花葉陰乾研細用時以井花水調銀
釵打成膏厚紙攤貼瘡上次日用蜻蜓螺卽鬼丁螺壹箇用
銀器盛打破依前調藥却將蜻蜓螺放在瘡上貼待過週日
揭起其疔自出立効其藥不要攤濶

治疔瘡

右用多年牆內或泥土中鏽釘洗淨以炭火內煨紅醋淬待

冷用刀刮釘鏽又入火內煨紅入醋滓仍前刮末再煨再滓
再刮下末研爲細末用時將瘡口撥開挑藥末在內以膏藥
貼之少時如病深取疔如病淺卽取出黑紫色血其瘡自愈
拔疔法

以黑牯羊牽於石塔上必撒糞候糞上生菌取焙乾與菘菘
草葉等分爲細末先用竹筒兩頭去節一頭解十字路將不
解頭套在疔上以線緊縛竹筒陷入肉內爲度以前藥末壹
匙滴水和之放於筒內少時藥滾起則疔自拔起若壹次未
効漸加度數其疔必拔也

拔疔方

治疔瘡不出者用此藥以拔出之

巴豆

磁石

右為未用葱涎同蜜為膏以傅瘡上疔瘡自出

神授療疔腫方

以緊磁石為未用酸醋調封於患處少時力拔出疔神妙

世治疔瘡用麻內蛀蟲壹條研傅瘡上却用膏藥貼之一飯時

去膏藥其疔自出

麻蟲膏 治疔瘡

右將麻蟲壹條搗爛入好江茶和作餅子如錢眼大以羊角

骨針挑瘡頭按藥在上醋糊紙貼之膏藥亦可其毒出為効

蜚蝗膏 治疔毒

蜚蝗 參箇肚 黃蔴蟲 拾
白者佳

右二味搗勻搗破患處貼之如患在手足間有紅絲上臂絲

盡處將針挑斷出血仍用前藥

愚按此方常用有効如無麻蟲亦効毒盛者更服敗毒藥

蝮即屎蚋也

聖濟方

治疗瘡

蝮

心腹下肉稍白者

右捕取不以多少貼瘡上半日許未可再上之血盡根出神

効

治疗瘡最有効用蟬蛻殭蠶爲末酸醋調塗四圍留瘡口俟

根出稍長然後拔去再用藥塗瘡海藏方单用殭蠶爲末

調塗亦佳

又方

治瘡

螺蛸爲末傅頭上四邊針刺碎紅腫上用鐵銹水紫花地丁
草末圍四邊腫上卽紫花鹿躡草紅腫外好肉上用生薑白
然汁調船灰末傅好肉上

又方 治疔腫

先以針撥破四畔中間用海螺蛸末水丸豆大傅於瘡頭上
再用箭頭草末傅四畔紅肉上外用舊船灰燒末爲生薑
自然汁調傅後再用濕絲綿貼中間用手揭去疔蓋再將螺
蛸末水調傅之

又方 治疔瘡

大黃壹大塊及東壁土汲新井水入於砂碗內磨濃厚塗腫
上中心留一竅如錢眼大出熱氣經宿立愈如乾再用水潤

之

又方 治疔瘡

雄黃壹錢就瓦上煨焦黃為末以病人尿調傅疔上一時拔
出如發熱欲死者將大黃菊花研汁灌上若冬間取根搗汁
亦可

玉山韓光方 治疔腫

右以艾蒿壹擔燒作灰於竹筒中淋取汁以壹貳合和石灰
如麩漿以針刺瘡中至痛即點之點三次其根自拔亦大神
効正觀中用治參拾餘人得瘥

衍苦苣搗汁傅疔瘡殊驗青苗陰乾以備冬月為末水調傅

云取苦苣莖中白汁傅疔腫

出根及取汁海鹽上立貴

疔瘡用白礬為末水調傅之聖惠方

聖治疔瘡甚者用附子末醋和塗之乾再塗于金方同

丹琥珀膏方見癰疽下雜方條

水沉膏 治疔瘡

白果根新鮮生者佳

右以米醋磨濃澄脚以油紙攤貼及用酒磨服

敷疔膏 治疔瘡及無名腫毒瘴氣等證

生藍葉不拘多少洗淨

右以搗爛敷貼患處以梗煎酒服

又方

毛尿梯葉

麻痺或
太痛或
不痛者
並灸之
針法

右生採新鮮者搗米泔水暖刷及以根磨米泔水暖服

又方 治一切惡瘡毒肉不出

用烏梅壹味燒灰為末傅上惡肉立盡矣

灸疔瘡法 取掌後橫紋後五指男左女右染壯即瘥屢效

初虞世云疔瘡於所屬經絡各瀉之 疔瘡者必發於手足之

間生黃疱其中或紫黑色有壹條如紅線直上倉卒之際急

宜以針於紅線所至處刺出毒血然後以蟾酥乳香膏等藥

於正瘡上塗之針時以病者知痛出血為好否則紅線入腹

攻心必致危困矣

百一治疔腫以針刺四畔用石榴皮末着瘡上調麩圍四畔灸

痛為度調末傅上急裹經宿連根自出

松針法 取向北松枝上葉極硬者頓齊作一束扎令極緊

緩以意消詳毒氣所經行虛軟處針之須令出血時先用酒

潤下針處必小痛令病人稍忍仍用雄黃末入麝香少許以

溫酒調下一二服與之服後方下松針針之

治疔瘡毒氣入腹多嘔吐欲死者即服內托香粉散滴乳半兩

另研真菘豆粉壹兩為細末煎生甘草湯調參錢時時飲之

常令灌潤胸膈 一方用雄黃菘豆粉乳香等分為末水調服

百二散 又名護心散 治發疔瘡煩躁手足不住發狂者急宜服之

甘草節 菘豆粉 硃砂 各等分

右為細末每服參錢熟水調下

疔瘡入腹嘔者煎道人頭濃汁飲之

治疔瘡毒氣入腹昏悶不食

紫花地丁

蟬蛻

貫仲

各壹兩

丁香

乳香 各貳錢

右為細末每服貳錢空心溫酒下

紫花地丁麥熟時有之開紫花質甚脆如蒲公英狀

但蒲公英開黃花地丁開紫花

瑞 治疔瘡危篤者二服即愈輕者一服立効

土蜂房

壹小窠全本草云土蛇蛻壹條蜂房有毒利大小便全

右作一處器皿中盛用黃泥封固火煨存性研為細末每服

壹錢空心好酒調服少頃腹中大痛痛止其瘡已化黃水矣

仍服五聖散

大黃

甘草 各壹兩

生薑

皂角針

松針法 取向北松枝上葉極硬者頓齊作一束扎令極緊
 緩以意消詳毒氣所經行虛軟處針之須令出血時先用酒
 潤下針處必小痛令病人稍忍仍用雄黃末入麝香少許以
 溫酒調下一二服與之服後方下松針針之

治疔瘡毒氣入腹多嘔吐欲死者即服內托香粉散滴乳半兩

另研真菜豆粉壹兩為細末煎生甘草湯調參錢時時飲之

常令灌潤胸膈 一方用雄黃菜豆粉乳香等分為末水調服

百二散 又名護心散 治發疔瘡煩躁手足不住發狂者急宜服之

甘草節 菜豆粉 硃砂 各等分

右為細末每服參錢熟水調下

疔瘡入腹嘔者煎道人頭濃汁飲之

治疔瘡毒氣入腹昏悶不食

紫花地丁

蟬蛻

貫仲

各壹兩

丁香

乳香 各貳錢

右為細末每服貳錢空心溫酒下

紫花地丁麥熟時有之開紫花質甚脆如蒲公英狀

但蒲公英開黃花地丁開紫花

端治疔瘡危篤者二服即愈輕者一服立効

土蜂房

壹小窠全本草云土蛇蛻壹條蜂房有毒利大小便全

右作一處器皿中盛用黃泥封固火煨存性研為細末每服

壹錢空心好酒調服少頃腹中大痛痛止其瘡已化黃水矣

仍服五聖散

大黃

甘草 各壹兩

生薑

皂角針

黃

金銀花

各貳兩

枯蕒

壹箇

右以咀用好酒貳升同煎至捌分去查不拘時服

治疔瘡最驗用蒼耳臭牡丹各壹大握搗爛新汲水或順流水

調服壹碗瀉下黑水即愈

拔黃藥

用蟾酥飛羅麩為丸如梧桐子大可將壹丸放在面前舌下

即時黃出

破指丹 治疔黃走胤不止

當歸

赤芍藥

山梔子

牽牛

各貳兩半

連翹

牡蠣

金銀花

紫花地丁

各壹兩

京三稜

甘草

各貳兩

便秘加大黃

兩

右為細末煉蜜和丸如彈子大每服壹丸食前用童便化開服忌飲酒及生冷硬物

立馬回疔丹 治疔瘡走胤不止

金脚信

蟾酥

血竭

硃砂

沒藥

各半錢

輕粉

龍腦

麝香

各壹字

右為細末用生草烏頭汁和作錠如麥子大用時將瘡頂刺破將藥壹錠放瘡口內第二日瘡腫是効

治疔走了黃打揆將死者

牡蠣

大黃

山梔子

金銀花

木通

連翹

牛蒡子

地骨皮

乳香

沒藥

皂角刺

枯蘘

右各等分到碎每服半兩氣壯者加杜硝用水壹碗酒半碗煎壹服定愈

蟾酥走黃丸 治疗瘡走黃

硃砂 研 黃丹 飛 白麩 各等分

右末取蟾酥搜作劑丸如麥粒大先刺瘡口次安壹粒在瘡口內仍以水沉膏貼之又以五七丸葱湯吞下發汗即愈

迴瘡蟾酥錠子 治疗瘡毒氣攻心欲死以針刺其瘡向心行

處但覺痛有血處下錠子若累刺至心側近皆不痛無血者

急針百會穴痛有血者下錠子若無血以親人熱血代之猶

活三四况瘡初發無有不効大抵疔瘡生於四肢及胸背頭

項骨節間惟胸背頭項最急初生痛痒不常中陷如釘蓋臧

之有根壯熱惡心是也

天南星

款冬花

巴豆仁

黃丹

白信

各壹錢

獨活

伍分

蟹螯

去頭足拾箇

右為極細末用新蟾酥和藥如黍米大撚作錠子每遇疔瘡
先以針刺其瘡必不知痛有血出者下錠子如覺痛不須再
用若更不知痛再隨瘡所行處迎奪刺之至有血知痛即止
其原瘡亦覺疼痛以膏藥貼之膿出自瘡用錠子法度以似
作細筒子壹箇約長三寸許隨針下至瘡痛處復以細銀絲
子內藥於筒內推至痛處

肘後犯疔腫垂死菊花葉壹握搗絞汁壹升入口即活此神驗

亦用其根

丹溪云根莖葉花皆可紫梗者佳

疔腫困重生搗蒼耳根葉和小兒尿絞汁冷服壹升日三服甚

驗

化毒丸 治內疔

硃砂

雄黃 各壹錢

蟬蛻 拾枚

硼砂 生

輕粉 各伍分

麝香 壹分

片腦 半

右末取蟾酥為丸如菉豆大每用壹丸放舌上含化取涎化後以井水漱淨無此丸用單蟾酥代之亦可

霹靂火 治內疔之證發汗之妙方也凡疔瘡始覺不曾服出

汗之藥過數日間外證皆罷或在胸腹或在脇肋赤嫩腫起

此乃毒氣入裏內疔之所發也宜用此法出汗毒氣方能出

也

先置水桶壹箇鐵銚壹箇令病人側卧於桶上四圍以衣衾
蓋護勿令泄氣却以鶯卵石火燒極紅放銚內以銚安桶內
以醋投於銚內淬之熏蒸出汗未透再加火力再淬之須令
腫處汗透不必徧身出汗也